

Zeitschrift: Annalas da la Societad Retorumantscha
Herausgeber: Societad Retorumantscha
Band: 112 (1999)

Rubrik: Istorgia
Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 26.07.2025

ETH-Bibliothek Zürich, E-Periodica, <https://www.e-periodica.ch>

Istorgia

Lexicon istoric retic

Introducziun

L'Academia svizra da las scienzas socialas ed umanas ha laschà sclerir a Berna ils onns 1985–87, schebain l'ediziun d'in nov lexicon istoric saja giavischada e realisabla. Il parlament federal è s'exprimì il zercladur e settember 1987 unanimamain per la finanziaziun dal Historisches Lexikon der Schweiz (HLS). Quest lexicon duai remplazzar il HBLS dals onns 20 e 30. Il 1. da settember 1988 è naschida la fundaziun HLS ed ils 19 d'october è sa constituì il cussegli da fundaziun definitiv che ha recrutà ils redacturs ed ils collavuraturs. Dr. Marco Jorio è daventà schefredactur dal HLS cun sez a Berna. Ad el èn suuttamess ils redacturs linguistics da las ediziuns tudestga e franszosa (domadus a Berna), taliana (a Bellinzona) e rumantscha (a Cuira).

En consideraziun da la bilinguitad da las Rumantschas e dals Rumantschs avessi gì pauc senn da translatar tut ils 12 volums (previs) dal HLS. Ins ha pia decis da realisar in Lexicon istoric retic (LIR) en in sulet volum. Il concept dal LIR, elavurà sut la direcziun da dr. Martin Bundi, divergescha da quel dal HLS surtut per quai che reguarda la part tematica. Il 1. d'avrigl 1989 ha cumenzà dr. Martin Bundi sia lavur sco redactur dal LIR, e l'october 1991 ha suandà el dr. Adolf Collenberg.

1. Il concept

Il LIR recepescha l'istorgia da l'intschess cultural retic-rumantsch e dal Grischun dal temp preistoric fin al di dad oz. El cumpiglia (sco il HLS) quatter categorias d'artitgels:

- a) Biografias da tut ils secturs da la societad. Ca. 1'700 art./26'000 lingias.
- b) Famiglias. Ca. 180 art./5'000 lingias.
- c) Geografia (artitgels da lieus). Ca. 600 art./20'000 lingias.
- d) Artitgels spezials. Questa part divergescha essenzialmain dal concept dal HLS e dat al LIR ses caracter particular. Ella tracta tr. a. l'istorgia grischuna e la cultura rumantscha en tut lur fassettas. Ca. 450 art./23'000 lingias.

2. En tge connex stat il LIR cun il HLS?

En tut ils quatter secturs surmenziunads datti ina gruppa d'artitgels che vegnan redigids per il HLS e che cumparan integralmain er en il LIR. Ina segunda gruppa d'artitgels vegn integrada er en il HLS e modifitgada tenor il concept dal LIR (scursanidas, amplificaziuns). Ina terza gruppa vegn redigida mo per il LIR e na cumpara betg en il HLS. I sa tracta en quest cas surtut d'artitgels da lieus e d'artitgels davart la litteratura e la cultura rumantscha.

3. La lingua

Il LIR cumpara en rumantsch grischun. Ina publicaziun en ils differents idioms na po betg vegnir finanziada. La Lia rumantscha surveglia la correctadad linguistica.

4. La redacziun

La redacziun dal LIR consista actualmain d'in redactur responsabel (50%), dal secretariat/servetsch da translaziun (30%, dna. Ines Gartmann, dapi il 1. da sett. 1998 dr. Manfred Gross) e d'ina translatura (10%, dna. Ursulina Monn).

5. Il plan da publicaziun

Suenter prest in decenni da laver productiva èsi inditgà da render public pass per pass ils artitgels redigids. Essend ch'i nun è anc pussaivel da publitgar tut il LIR, han ins decis d'edir el parzialmain. Il LIR ha d'engraziar questa pussaivladad a la generusitat da la Societad retorumantscha sut il president dr. Jachen Curdin Arquint ed ils redacturs da las Annalas, Roman Caviezel ed Esther Krättli.

Igl è previs da publitgar en las Annalas mintgamai 25–30 paginas, qvd. var 50 artitgels dal LIR fin a sia edizion cumplettia. L'emprima part cumpiglia artitgels geografics en l'urden alfabetic dals numbs locals rumantschs (istorgias da las valladas e da las vischnancas). Intgins artitgels na pon dentant anc betg vegnir publitgads, essend ch'els han da vegnir adattads ad artitgels anc betg redigids da la part tematica. I sa tracta qua exclusivamain d'artitgels da lieus e da pajais exteriurs (p. ex. Basilea, Berna, Paris, Austria, America, euv.).

En discussiun stat er ina publicaziun anticipada da biografias e d'artitgels da la part tematica (tractats istorics, artitgels davart la litteratura rumantscha, euv.).

6. Agids da lectura

- a) Las vischnancas tschertgadas pon vegnir identifitgadas a maun da la glista agiuntada dals numbs locals.
- b) La glista agiuntada da las abreviaziuns da pleuds e d'indicaziuns bibliograficas duai facilitar la lectura e serva a l'identificaziun da la litteratura utilisada.

7. Nota bene

L'ediziun completta dal LIR cuntegna rinviaments che collian ils differents artitgels in cun l'auter. La publicaziun parziale renunzia per motivs chapibels a tals rinviaments. I mancan qua a medem temp er anc las illustraziuns previsas pir per l'ediziun finala.

Tgi che chatta sbagls evidents en ils artitgels duai far il bain da comunitgar quels en scrit al redactur dal LIR, Adolf Collenberg, Giacomettistr. 132, 7000 Cuira, tel./fax 081/353 59 33.

Dr. Adolf Collenberg

Nomenclatura LIR-GEO rumantsch – tudestg

<i>Adisch</i>	Etsch, Adige	<i>Clus</i>	Klus
<i>Alla</i>	Hall	<i>Com</i>	Como
<i>Almen</i>	Almens	<i>Constanza</i>	Konstanz
<i>Alvagni</i>	Alvaneu	<i>Crap Alv</i>	Weissenstein
<i>Alvaschagn</i>	Alvaschein	<i>Crap da Bravuogn</i>	Bergünerstein
<i>Alvra</i>	Albula	<i>Crap da Flem</i>	Flimserstein
<i>Anugl</i>	Nolla	<i>Crap S. Bargazi</i>	Hohentrins
<i>Aschera</i>	Schiers	<i>Crusch e. P.</i>	Grüschi
<i>Austria</i>	Österreich	<i>Cuira</i>	Chur
<i>Avras</i>	Avers	<i>Culm dal Raisch</i>	Reschenpass
<i>Balamburtg</i>	Bärenburg	<i>Cunter e. P.</i>	Conters i.Pr.
<i>Balcun Aut</i>	vide Travaulta	<i>Cunter e. S.</i>	Conters i.O.
<i>Barbusch</i>	Burgeis	<i>Cuolm d'Ursera</i>	
<i>Basilea</i>	Basel	<i>[Crispalt/Alpsu]</i>	Oberalppass
<i>Beiva [Stalla]</i>	Bivio	<i>Cuolm Val</i>	Valserberg
<i>Bergiaglia</i>	Bergell	<i>Cuort/Sursaissa</i>	Meierhof/
<i>Berna</i>	Bern		Obersaxen
<i>Bogn d'Alvagni</i>	Alvaneu Bad	<i>Currezia</i>	Churrätien
<i>Bogn Tenigia</i>	Tenigerbad	<i>Curt, Cuira (episc.)</i>	Hof, Chur
<i>Bravuogn</i>	Bergün	<i>Curvalda</i>	Churwalden
<i>Breil</i>	Brigels	<i>Cuvlignas</i>	Küblis
<i>Brinzouls</i>	Brienz	<i>Dagliegn</i>	Dalin
<i>Brüschi</i>	Brusio	<i>Damal</i>	Mals
<i>Bulsaun</i>	Bozen	<i>Danuder</i>	Nauders
<i>Buond</i>	Bondo	<i>Degen</i>	Igels
<i>Buorm</i>	Bormio	<i>Dolomitas</i>	Dolomiten
<i>Calantgil</i>	Innerferrera	<i>Domat</i>	Ems
<i>Carniec</i>	Grüneck	<i>Duin</i>	Duvin
<i>Casti</i>	Tiefencastel	<i>Eigias</i>	Igis
<i>Cazas</i>	Cazis	<i>En</i>	Inn
<i>Chalavaina</i>	Calven	<i>Engiadina</i>	Engadin
<i>Chaschauna</i>	Casanna	<i>Fadera</i>	Fadära
<i>Chischlatsch</i>	Wildenberg/	<i>Fadrein</i>	Fideris
	Falera	<i>Fagieu</i>	Buchen
<i>Claustra</i>	Klosters	<i>Farbertg</i>	Fribourg/Fryberg
<i>Clavenna</i>	Chiavenna	<i>Farden</i>	Fardün
<i>Clugén</i>	Clugin	<i>Farera</i>	Ausserferrera

<i>Farschno</i>	Fürstenau	<i>Maiavilla</i>	Maienfeld
<i>Faveras</i>	Pfäfers	<i>Malögia</i>	Maloja
<i>Favugn</i>	Felsberg	<i>Mantogna</i>	Heinzenberg
<i>Ferrera (Belfort)</i>	Schmitten	<i>Mariamunt</i>	Marienberg
<i>Flearda</i>	Flerden	<i>Martina</i>	Martinsbruck
<i>Flem</i>	Flims	<i>Maton</i>	Mathon
<i>Flex</i>	Flix	<i>Medel/Lucmagn</i>	Medels i. O.
<i>Foppa</i>	Gruob	<i>Medel/Valragn</i>	Medels i. R.
<i>Frantscha</i>	Frankreich	<i>Meir</i>	Schyn
<i>Friburg</i>	Freiburg	<i>Meraun</i>	Meran
<i>Fuond</i>	Pfunds	<i>Mesauc</i>	Mesocco [Gem.]
<i>Fuorcla Zodrel</i>	Vereinapass	<i>Milaun</i>	Mailand
<i>Furca</i>	Furka	<i>Montafun</i>	Montafon
<i>Genevra</i>	Genf	<i>Morbegn</i>	Morbegno
<i>Germania</i>	Deutschland	<i>Mulegns</i>	Mühlen
<i>Giuvaulta</i>	Rothenbrunnen	<i>Munt S. Gieri</i>	Jörgenberg
<i>Glaruna</i>	Glarus	<i>Munt S. Gion</i>	Hohenrätiens
<i>Glion</i>	Ilanz	<i>Muntogna</i>	
<i>Glogn</i>	Glenner	<i>da Schons</i>	Schamserberg
<i>Gluorn</i>	Glurns	<i>Murissen</i>	Morissen
<i>Grischun</i>	Graubünden	<i>Müsch</i>	Musso
<i>Gronda Britannia</i>	Grossbritannien	<i>Mustér</i>	Disentis
<i>Italia</i>	Italien	<i>Mut</i>	Mutten
<i>La Punt</i>	Reichenau	<i>Nossadunnaun</i>	Einsiedeln
<i>Lags</i>	Laax	<i>Novagnas</i>	Nufenen
<i>Lai da Poschiavo</i>	Lago di Poschiavo	<i>Ollanda</i>	Holland/ Niederlande
<i>Lai da Segl</i>	Silsersee	<i>Panaduz</i>	Bonaduz
<i>Lai da Silvaplauna</i>	Silvaplanersee	<i>Partenz</i>	Prättigau
<i>Lai Rivaun</i>	Walensee	<i>Pasqual</i>	Paspels
<i>Lai/Valbella</i>	Lenzerheide/ Valbella	<i>Pass Crusch</i> <i>Pass da</i>	Malserheide
<i>Lantsch</i>	Lenz	<i>Chaschauna</i>	Casannapass
<i>Lantsch sut</i>	Haldenstein	<i>Pass da l'Alvra</i>	Albulapass
<i>Ligiaun</i>	Lugano	<i>Pass dal Cunclas</i>	Kunkelspann
<i>Livign (Luin)</i>	Livigno	<i>Pass dal Fenga</i>	Fimberpass
<i>Lon</i>	Lohn	<i>Pass dal Flüela</i>	Flüelapass
<i>Londra</i>	London	<i>Pass dal Fuorn</i>	Ofenpass
<i>Lucarn</i>	Locarno	<i>Pass dal Güglia</i>	Julierpass
<i>Lumnezia</i>	Lugnez	<i>Pass dal Lembra</i>	Kistenpass
<i>Luorscha</i>	Olivone	<i>Pass dal Lucmagn</i>	Lukmanier

<i>Pass dal Malögia</i>	Malojapass	<i>S. Bernardin</i>	San Bernardino
<i>Pass dal Müret</i>	Murettopass	<i>S. Gagl</i>	Sankt Gallen
<i>Pass dal</i>	San Bernardino	<i>S. Hilari</i>	Sankt Hilarien
<i>S. Bernardin</i>	Pass	<i>S. Murezzan</i>	Sankt Moritz
<i>Pass dal Segnas</i>	Segnespass	<i>S. Peider</i>	Sankt Peter
<i>Pass dal Set</i>	Septimer Pass	(<i>Scanvetg</i>)	(Schanfigg)
<i>Pass dal Spleia</i>	Splügenpass	<i>S. Pieder</i>	Feldkirch
<i>Pass dal Stielva</i>	Stilfserjoch	<i>S. Remigi</i>	San Romerio/
<i>Pass dal Striera</i>	Strelapass		Remigio
<i>Pass dal Veraina</i>	Vereinapass	<i>Samignun</i>	Samnaun
<i>Pazen</i>	Patzen	<i>Sansch sura</i>	Kapfenstein/
<i>Petersburg</i>	Sankt Peters- burg	<i>Sasmunt</i>	Obersansch Steinsberg
<i>Pez Bargias</i>	Ringelspitz	<i>Scalina</i>	Schöllen
<i>Pez Russein</i>	Tödi	<i>Scanvetg</i>	Schanfigg
<i>Pez Valragn</i>	Rheinwaldhorn	<i>Scharons</i>	Scharans
<i>Plaun</i>	Imboden	<i>Sched</i>	Scheid
<i>Plür</i>	Plurs	<i>Schlargina</i>	Celerina
<i>Poschiavo</i>	Poschiavo	<i>Schlingia</i>	Schlinig
	[Gem.]	<i>Schons</i>	Schams
<i>Prada</i>	Praden	<i>Scuders</i>	Schuders
<i>Pralung</i>	Langwies	<i>Scuol</i>	Schuls
<i>Preaz</i>	Präz	<i>Segl</i>	Sils i. E./Segl
<i>Punt da duana</i>	Zollbrücke	<i>Seglias</i>	Sils i. D.
<i>Puntcrap</i>	Rofla	<i>Sevgein</i>	Seewis i. O.
<i>Puntina</i>	Innsbruck	<i>Siat</i>	Seth
<i>Puntraschigna</i>	Pontresina	<i>Sievgia</i>	Seewis i. Pr.
<i>Purtagn</i>	Portein	<i>Silvaplauna</i>	Silvaplana
<i>Puschlav [val]</i>	Poschiavo [Tal]	<i>Solas</i>	Solis
<i>Rain</i>	Rhein	<i>Spagna</i>	Spanien
<i>Rapertg</i>	Rietberg	<i>Spleia</i>	Splügen
<i>Razén</i>	Rhätüns	<i>Sta. Domenica</i>	Santa Domenica
<i>Rezia</i>	Rätien	<i>Sta. Maria,</i>	Santa Maria,
<i>Reziòlta</i>	Hohenrätiens	<i>Calanca</i>	Calanca
<i>Riòlta</i>	Realta	<i>Sta. Maria, V. M.</i>	Santa Maria, i. M.
<i>Riva</i>	Walenstatt		
<i>Roma</i>	Rom	<i>Stierva</i>	Stürfis
<i>Roten</i>	Rodels	<i>Stugl</i>	Stuls
<i>Runtgaglia</i>	Rongellen	<i>Stussavgia</i>	Safien
<i>Russia</i>	Russland	<i>SUA</i>	Stadis unids da l'America
<i>S. Antönia</i>	Sankt Antönien		

<i>Suagnign</i>	<i>Savognin</i>	<i>Urtijei</i>	Ortisei
<i>Subvia</i>	<i>Unterwegen</i>	<i>Urtijei</i>	Sankt Ulrich (I)
<i>Sumvitg</i>	<i>Somvix</i>	<i>Val Badia</i>	Gadertal
<i>Sunder</i>	<i>Sondrio</i>	<i>Val d'Ursera</i>	Urserental
<i>Suogl</i>	<i>Soglio</i>	<i>Val dal Blegn</i>	Val Blenio
<i>Sur (Valragn)</i>	<i>Sufers</i>	<i>Val de Fascia</i>	Fassatal
<i>Surmeir</i>	Oberhalbstein (Talschaft ob d. Schyn)	<i>Val Druschuna</i> <i>Val Gherdeïna</i> <i>Val Mesauc</i>	Walgau Grödnertal Misox (Tal)
<i>Sursaissa</i>	Obersaxen	<i>Val Müstair</i>	Münstertal
<i>Surses</i>	Oberhalbstein	<i>Val S. Pieder</i>	Vals
<i>Susch</i>	Süs	<i>Val Tamina</i>	Taminatal
<i>Tain</i>	Wiesen	<i>Valendau</i>	Valendas
<i>Tavau</i>	Davos	<i>Valplana</i>	Jenisberg
<i>Tavellas</i>	Glaspass	<i>Valragn</i>	Rheinwald
<i>Term bel</i>	Dreibündenstein	<i>Vaniescha</i>	Venedig
<i>Termin</i>	Trimmis	<i>Vargistagn</i>	Wergenstein
<i>Tinizong</i>	Tinzen	<i>Vaz</i>	Vaz/Obervaz
<i>Tiraun</i>	Tirano	<i>Vaz sut</i>	Untervaz
<i>Trais Plaivs</i>	Drei Pleven	<i>Vazarouls</i>	Vazerol
<i>Tràn</i>	Trans	<i>Veptga</i>	Panixerpass
<i>Travaulta</i>	Hohenbalken	<i>Versomi</i>	Versam
<i>Tschintg Vitgs</i>	Fünf Dörfer	<i>Veulden</i>	Feldis
<i>Tschupegna</i>	Tschappina	<i>Vienna</i>	Wien
<i>Tujetsch</i>	Tavetsch	<i>Visavraun</i>	Vicosoprano
<i>Tumegl</i>	Tomils	<i>Vnuost</i>	Vinschgau
<i>Tumein</i>	Tamins	<i>Vuclina</i>	Veltlin
<i>Tumleastga</i>	Domleschg	<i>Vuorz</i>	Waltensburg
<i>Tuor</i>	Taufers	<i>Zezras</i>	Zizers
<i>Turitg</i>	Zürich	<i>Zignau</i>	Ringgenberg
<i>Tusaun</i>	Thusis	<i>Ziràn</i>	Zillis

Abreviaziuns

<i>A.</i>	Archiv	<i>incorp.</i>	incorporà/-ada
<i>abit.</i>	abitant(s)		incorporaziun
<i>admin.</i>	administrativ	<i>indep.</i>	independent
<i>ant.</i>	anteriur	<i>insch.</i>	inschigner
<i>austr.</i>	austriac	<i>internaz.</i>	internaziunal
<i>cat.</i>	catolic	<i>introd.</i>	introducziun
<i>cirq.</i>	cirquit	<i>l.p.</i>	lingua principala
<i>comm.</i>	communal	<i>litt./Litt.</i>	litteratura/litterar
<i>commerz.</i>	commerzial	<i>m</i>	meter, meters sur mar
<i>conc.</i>	concernent	<i>m.</i>	musica
<i>confess.</i>	confessiunal	<i>menz.</i>	menziunà/-ada
<i>constr.</i>	construcziun/	<i>merid.</i>	meridiunal
	construir/	<i>milit.</i>	militar
	construiì/-ida	<i>ms.</i>	manuscrit
<i>cult.</i>	cultural(main)	<i>O, o.</i>	ovras
<i>cump.</i>	cumposiziun	<i>oriund.</i>	oriundamain
<i>cuntraref.</i>	cuntrarefurma	<i>ostrog.</i>	ostrogotic
<i>definit.</i>	definitivamain	<i>p.g.p.</i>	per gronda part
<i>dir.</i>	directur(a)/direcziun	<i>p.p.</i>	per part
<i>disc.</i>	discurri	<i>paroch.</i>	parochial
<i>distr.</i>	district	<i>parz.</i>	parzialmain
<i>doc.</i>	documents/	<i>pol.</i>	politic
	documentà/-ada	<i>pop.</i>	populaziun
<i>e.a.</i>	ed auter	<i>princ.</i>	principal
<i>eccles.</i>	ecclesiastic(amain)	<i>prob.</i>	probablamain
<i>econ.</i>	economic(amain)	<i>prof.</i>	professer
<i>emp. mes.</i>	emprima mesadad	<i>prot.</i>	protestant
<i>engl.</i>	englais	<i>reconstr.</i>	reconstrucziun/
<i>entsch.</i>	entschatta		reconstruiì/-ida
<i>episc.</i>	episcopal	<i>rectang.</i>	rectangulär
<i>e.u.v.</i>	ed uschia vinavant	<i>ref.</i>	refurmà/-ada/
<i>evang.</i>	evangelic		refurmaziun
<i>evtl.</i>	eventualmain	<i>remp.</i>	remplazzà/-ada
<i>fam.</i>	famiglia	<i>rest.</i>	restaurà/-ada
<i>fed.</i>	federal	<i>rg</i>	rumantsch grischun
<i>fracz.</i>	fracziun	<i>rum.</i>	rumantsch/-a
<i>geogr.</i>	geografic		Son/Sontg/Sontga
<i>giudiz.</i>	giudizial(a)	<i>S.</i>	

<i>scient.</i>	scientific	<i>tLatènetemp.</i>	temp da Latène
<i>sec.</i>	secundar		tempriv
<i>seg.</i>	segund/-a	<i>tm.</i>	temp medieval
<i>seg. mes.</i>	segunda mesadad	<i>tmaut</i>	temp autmedieval
<i>SS.</i>	Sons/Sontgs/Sontgas	<i>tmod.</i>	temp modern
<i>t</i>	tonna(s)	<i>tmtemp.</i>	temp medieval tempriv
<i>t.</i>	text	<i>tneol.</i>	temp neolic
<i>tal.</i>	talian	<i>tpreist.</i>	temp preistoric
<i>tbronz</i>	temp da bronz	<i>tprotoist.</i>	temp protoistoric
<i>tbronzmes.</i>	temp da bronz mesaun	<i>tr. a.</i>	tranter auter
<i>tbrontard.</i>	temp da bronz tardiv	<i>trad.</i>	tradiziunal
<i>tbrontemp.</i>	temp da bronz tempriv	<i>transl.</i>	translaziun/
<i>tcarol.</i>	temp carolingic		translatà/-ada
<i>tcristtemp.</i>	temp cristian tempriv	<i>trom.</i>	temp roman
<i>teol.</i>	teologic	<i>tromtard.</i>	temp roman tardiv
<i>territ.</i>	territorial	<i>tsch.</i>	tschientaner
<i>tfier</i>	temp da fier	<i>tud.</i>	tudestg/-a
<i>tfiermes.</i>	temp da fier mesaun	<i>uschen.</i>	uschenumnà/-ada
<i>tfiertard.</i>	temp da fier tardiv	<i>uv.</i>	uvestg/uvestgieu
<i>tfiertemp.</i>	temp da fier tempriv	<i>venez.</i>	venezian
<i>tLatènetard.</i>	temp da Latène tardiv	<i>vischin.</i>	vischinadi
		<i>vischn.</i>	vischnanca

Archivs e litteratura

<i>ACirq.</i>	Archiv cirquital
<i>ACom.</i>	Archiv communal
<i>ASRR</i>	Annalas da la Societad retorumantscha, 1886ss.
<i>BM</i>	Bündner Monatsblatt, Chur
<i>BUB</i>	Bündner Urkundenbuch, Chur, 1946ss.
<i>BUNDI, Besiedlung</i>	BUNDI, MARTIN: <i>Zur Besiedlungs- und Wirtschaftsgeschichte Graubündens im Mittelalter</i> , Chur, 1982, 1989 ² .
<i>CLAVADETSCHER/MEYER, Burgenbuch GR</i>	CLAVADETSCHER, OTTO P./MEYER, WERNER: <i>Das Burgenbuch von Graubünden</i> , Zürich, 1984.
<i>Gem. GR</i>	Die Gemeinden von Graubünden, 1982–85 (Sammelband d. Bündner Zeitung)
<i>GILLARDON, Zehngerichtenbund</i>	GILLARDON, PAUL: <i>Geschichte des Zehngerichtenbundes</i> , Davos, 1936.
<i>HBG</i>	Handbuch der Bündner Geschichte
<i>HBLS</i>	Historisch-Biographisches Lexikon der Schweiz, 1921ss.
<i>Kdm GR</i>	Poeschel Erwin: Die Kunstdenkmäler des Kantons Graubünden, 5 t., Basilea, 1937ss.
<i>LIR</i>	Lexicon istoric retic
<i>PIETH, Bündnergeschichte</i>	PIETH, FRIEDRICH: <i>Bündnergeschichte</i> , Chur, 1945.
<i>PLANTA, Verkehrswege</i>	PLANTA, ARMON: <i>Verkehrswege im alten Rätien</i> , 4 t., Cuira, 1986–90.
<i>RAMPOLD, Vintschgau</i>	RAMPOLD, JOSEF: <i>Vintschgau. Landschaft, Geschichte und Gegenwart an Drau, Rienz und Ahr</i> , Bozen, 1974.
<i>RN</i>	Planta, Robert v./Schorta, Andrea: Räti-sches Namenbuch, 3 t., Turitg/Berna, 1938/64/86.
<i>StAGR</i>	Staatsarchiv Graubünden

Adda, flum en Vuclina/I che nascha en la Valle di Fraéle (Valle Alpisella) al nord da Buorm e sbucca a Colico en il Lai da Com e finalmain a Porto Stampa en il Po. En il tm. curreva l'A. en sia part inferiura en bleras serpentinas vers il vest per midar ad Olonio vers il nord e per sbuccar a Bocca d'Adda en il Lai odiern da Mezzola. Il lieu fortifitgà d'Olonio, sez d'ina gronda plai e d'ina fiera dapi ca. l'onn 1000 ed impurtant center da defensiun a la «Via Regina» durant l'entir tm., daventa in'unfrenda da las inundaziuns permanentas da l'A. en il 15. tsch.. Questas inundaziuns avevan isolà il Lai da Mezzola da l'ulteriur Lai da Com e transfurmà la planira, numnada Piano di Spagna, en ina cuntrada da pallì malsaua e nunabitabla che derasava sias nauschas odurs fin a Morbegn. Channalisaziun da l'A. tr. Dubino e Colico 1858, megluraziun dal Piano di Spagna 1948/53. Durant il tm. pudev'ins navigar sin l'A. tr. il Lai da Com e Traona (ponte di Ganda), ed ins flottava er laina sin questa part dal flum. Durant il 16.-18. tsch. èn s'occupadas las Trais Lias savens da dumondas da pestgar e da flottar sco er da dumondas da curreger e metter l'A. en rempars.

Litt: M. GIANASSO, *Guida turistica della provincia di Sondrio*, 1979. *Martin Bundi*

Adisch (tud. Etsch, tal. Adige), flum en l'Italia dal nord che nascha en il Vnuost, curra al nord da Bulsaun e Verona vers il sid e sbucca parallel cun il Po en il Mar adriatic. La cuntrada en la part superiura da l'A., il Vnuost, appartegneva en il tm. a la regiun culturala curreticaromana. L'uestgieu da Cuira possedeva terren, subdis e dretgs giudizials tr. Meraun e Danuder. Ils documents dal 15. tsch. discurran da la *glieud da la Chadè* a l'A.. Da questa regiun vegniva flottà en il tm. tr. a. laina da laresch fin a Vaniescha. La regiun da l'A. ha giugà ina rolla impurtanta surtut en la guerra svabaisa dal 1499 ed è vegnida devastada fermamain, tr. a. er la punt sur l'A. a Latsch (ist. Laad). La chanzun *La guardia grischuna* (t. F. Grand, m. R. Cantieli) sa regorda da quest cumbat da li-

bertad grischun: «La not ais s-chüra, müt il god, la clastr' indurmanzada; sur l'Adisch nan tamburs eu od ...». Litt: RAMPOLD, *Vinschgau*, 125-26; PIETH, *Bündnergeschichte*, 44, 100-103.

Martin Bundi

Adula, chadaina da muntognas tr. il S. Bernardin e la Greina. Furma il sparta- auas tr. il Rain ed il Po sco er il cunfin tr. il GR ed il TI. En il center da quest massiv è il Piz Valragn. Strabo e Ptolemäus han duvrà il num A. per designar ina part da las Alps centralas che n'è betg determinada exactamain. Tenor Strabo naschan tant il Rain sco er l'Adda en l'A.. Ptolemäus numna A. las muntognas che s'extandan da l'Umbrail al Montblanc. Il num A., duvrà er da Chiampell enturn il 1570, n'è mai daventà propi popular.

Litt: RN II, 609. *Martin Bundi*

Agnas, Las, ant. abitadi tr. Bever e La Punt-Chamues-ch, al cunfin tr. las duas dretgiras d'Engiadìn'ota Sur e Suot Funtauna Merla. 1462 *allas Agnas*, tud. *die Au*. Las A. eran il lieu da dretgira criminala da l'Engiadìn'ota, da recrutaziun e da susta. Tar l'ustaria veglia vegniva tegnì cumin mintga dus onns. Quest'ustaria, il lieu da scuntrada, furmava il center da l'Engiadìn'ota. Suenter l'incendi dal 1726 è ella vegnida reconstr. ed è daventada in lieu da divertiment cun sala da bigliard e da bal. Il 1816 è sa scuntrada qua l'emprima loscha grischuna da framassuns, *L'intimité parfaite*. Ils stabilities èn vegnids duvrads la davosa giada a l'entschatta dal 20. tsch. sco piazza da fiera e bain puril. Els èn vegnids demolids il 1929.

Litt: G. BUNDI, Las A., en: BM 1925, 329-44. *Ottavio Clavuot*

Alla (tud. Hall), Tirol/A. Center dal comerzi da sal, impurtant da tutt temps per la provisiun da sal dal GR. En il 12. tsch. manavan ils berniers engiadinali sper agens products er rauba da Milaun ad A. per la vender cunter sal e graun. Fin en il 19. tsch. han ins taglià grondas quantitads da laina en Engiadina

bassa per las salinas dad A.. L'export da laina era economicamain fitg impur-tant per la regiun, el ha dentant peric-lità ils guauds engiadinais. Il 1751 han ins importà ca. 780 t sal sin la *via impe-rialia*: $\frac{1}{3}$ per l'Engiadina bassa, $\frac{1}{3}$ per l'Engiadina ota, la Bergiaglia ed il Par-tenz ed $\frac{1}{3}$ per Tavau. Ils Grischuns barattavan lur products da latg cunter sal ad A.. Il 1513 ha cumandà l'impera-tur Maximilian I. da cular ils minerals da la Val S-charl ad A.. Enturn il 1770 ha P.C. Planta da Zuoz elavurà in pro-ject cun l'intent d'eriger in monopol da sal e da construir ina largia via da com-merzi da Clavenna a Danuder (cun col-liaziun ad A.). Ils Salis han dentant sa-botà quest project. Suenter il 1803 ha surpiglià il chantun GR il monopol da sal. La chasa da commerzi Massnar e Braun a Cuira era responsabla per la di-stribuziun.

Litt: PIETH, *Bündnergeschichte*; J. MATHIEU, *Bauern und Bären*, 1987; CR. BARDOLA, *Our da l'istorgia da Ramosch, Vnà e con-tuorns...*, en: ASRR 47 (1933), 16-98.

Adolf Collenberg

Almen, vischn. pol. GR, cirq. Tum-leastga, distr. Mantogna. Vitg accumulà sin ina terrassa bassa a dretga dal Rain posteriur, cun Mulegns. Emp. mes. 9. tsch. *de Lemenne*. 1803 201 abit. (cun Pratval, fin 1845); 1870 270; 1970 133; 1990 200. L'onn 926 regala il retg Heinrich I. A. a l'uvestg da Cuira che ex-tenda tr. a. da qua davent sia suverani-tad territ. en la Tumleastga dadens. Restanzas d'ina tur d'abitar, prob. sez dal mer episc.. Suenter il 1200 vegnan attribuidas parts da la curt d'A. (tratga intensiva da nursas e viticultura) a la claustra da Curvalda. La culegna gualsra Schall, situada sur A., vegn bandunada prob. en il 17. tsch.. Il 1694 lascha con-struir l'uvestg en la vischn. paritetica d'A., ref. dapi il 1592, ina baselgia prot. en barat cunter la baselgia existenta da S. Andriu (plaiv doc. 1410). A. sa cum-pra liber il 1709 dals davos dretgs suverans episc.. Fin il 1851 è incorporà A. en la vischn. giudiz. da Farschno. Il clima miaivel permetta d'alleva muvel

e da cultivar ers e puma. 1909 exten-siun da la via charrabla che collia A. cun il stradun. 1990: 9 da las 22 plazzas da laver en l'emprim sectur. Pendularis (1990: 71%) chaschunan dapi il 1970 in augment da la populaziun. Part da la pop. rum.: 1920 44%, 1990 5%/11,5% (l. p./l. p. u disc.). A. è il lieu da cumin dal cirq. Tumleastga.

Litt: Kdm GR 3, 83-94; Gem. GR, nr. 1.

Jürg Simonett

Alt-Aspermont, chastè sin in spelm al sid dal bain episc. Molinära a Termin GR. Doc. en il 12. tsch., fundà prob. dals von Aspermont, ministerials da l'uvestg da Cuira che era il proprietari dal chastè en il 13. tsch.. Restanzas da mirs, entant che la 'Letzi' al vest dal spelm, menz. en il 13. e 14. tsch., è sva-nida. Ils quatter vitgs da Zezras, Eigias, Termin e Vaz sut furmavan il domini episc. d'Aspermont cun A. sco sez da prefectura e praschun. Prefects ad A. èn doc. dal 1428(?)–1528. Ils artigels da Glion dal 1524/26 han provocà il passagi dal domini episc. sur A. a la dretgira dals quatter vitgs surmenz.. Il chastè ès i suenter en decadenza.

Litt: CLAVADETSCHER/MEYER, *Burgenbuch GR*, 307-09.

Adolf Collenberg

Alvagni (tud. Alvaneu), vischn. pol. GR, cirq. Belfort, distr. Alvra. Vitg. aglo-merà sin ina terrassa al nord sur l'Al-vra, cun la fracz. Bogn d'A. en la val, las Aclas d'A. e las alps Creusch e Ra-moz (en il Welschtobel). 1244 *Alue-nude*, 1530 *Allweneü*. 1838 362 abit.; 1880 324; 1930 441; 1990 380. A Bogn d'A. han ins chattà il piz d'ina lantscha dal temp da Latène e munaidas roma-nas. En il 13. tsch. colonisaziun tras Gualsers sin in bain dals baruns da Vaz, dasperas bains episc. cultivads da Ru-mantschs (surtut tratga da nursas). A. sa chattà dapi là al cunfin linguistic rum.-tud.. Il 1338 passa A., ensemble cun la dretgira da Belfort, als conts da Toggenburg. Il 1436 vegn stipulada la lescha regiunala per la mesa dretgira d'A. che resta fin il 1850 ina part da la Lia da las diesch dretgiras. La fam.

Walthier d'A. ha giugà ina rolla pol. impurtanta en questa mesa dretgira en il 16. e 17. tsch.. Il 1480 vegn separà il vischinadi d'A. en las vischn. giudiz. d'A., Ferrera e Tain. Il 1481 vegn engrondida l'alp Ramoz tras cumpra da l'Aroser Welschtobel. En il Welschtobel han ins explotà fin il 1700 plum e zin che vegniva elavurà en il Schmelzboden, pli tard a Bellaluna. A. è stada l'emprima vischn. dal GR a votar il 1799 per l'adesiun a la Republica Helvetica. La baselgia, menz. il 1290 (patrocini da S. Murezi, doc. il 1353), parteva cun la baselgia da S. Luzi il santeri a Ferrera. Ella è vegnida destruida da l'incendi dal 1460 e consecrada danovamain il 1495. 1697 reconstrucziun da la baselgia en stil baroc tras chaputschins da Casti che han pastorà la plaiv 1686–1890. 1849 emprima chasa da scola (70 scolars), reconstr. 1955. Iis incendis dal 1859/73 han destruì blers edifizis istorics. Part da la pop. rum.: 1941 56%, 1990 28,7%/53,9% (l. p./ l. p. u disc.). Enturn il 1950 devi praticamain be tratga da muvel e lavurs da guaud sper in pau agricultura. Il 1990 lavuravan anc 21% en il 1. sectur. Blers abit. d'A., che ha mo paucas interpresas commerzialas u manaschis da restauraziun, gievan a lavurar ordaifer, surtut en l'industria, il commerzi e l'hotellaria. 1976–82 constr. da duas grondas culegnas cun chasas da vacanzas. A. fa part dapi il 1990 a las OE d'Alvra da las OE Turitg. Constr. d'ina serenera a Bogn d'A., ensemens cun Filisur e Ferrera. Las vischn. da la Val d'A. han acceptà il 1996 la constr. d'ina chasa d'attempads cuminaivla ad A.

A: ACom. A.

Litt: GILLARDON, *Zehngerichtenbund*; K. EGLI, *Die Landschaft Belfort*, 1978; Gem. GR, nr. 2.
Gion Peder Thöni

Alvaschagn, vischn. pol. GR, cirq. A., distr. Alvra, situada a la cruschada dals pass dal Güglia e da l'Alvra sin ina terrassa al nordost da l'Alvra. 1154 *Alvisinis*, 1551 emprima versiun romanisada *Dalvaschain*. 1904 144 abit.; 1975 155; 1990 145. Chats d'iseglias dal tbronz

sin territ. communal. Durant la constr. da la via dal Meir (1869) han ins scuvert plattas da relief surdoradas dal tmaut. La derivanza exacta da questas plattas n'è betg cumprovada. A. era prob. ina staziun da duana al cunfin dals dominis dals baruns da Vaz e da l'uestg da Cuira. La vischn. ha apparategnì eccles. a la claustra da mungias da Mistail fin a la secularisaziun da quella il 1154, suenter a Casti. 1653–57 constr. da la baselgia barocca da S. Giusep ad A. tras chaputschins che l'han pastora da fin il 1922. La baselgia ed ina chasa remartgabla cun sgrafits (Franz Appenzäller, Hans Arduiser jun.) dal 1580 han survivì l'incendi dal 1745. Dapi il 1400 posseda A. las alps ad Altein a Tavau. Fin ca. 1950 predominava la tratga da muvel. L'arrundaziun dal 1950 ha reduci las 676 parcellas a 113. Il 1990 existe van be pli 4 bains agriculs. Las pussai-vladads da lavurar en vischinanza (via dal Meir 1870, VR 1900, OE Niselas 1905, via d'autos 1980) han adina puspè influenzà il dumber d'abit. en il 19. e 20. tsch.. 1900–06 e 1926–60 explotaziun da gip tras la Gips-Union AG Turitg. Fin il 1980 è stada la vischn. d'A. a la via da transit, cun la constr. dal tunnel da sviament è ella vegnida isolada. Sin territ. communal sa chattan en vischinanza dal passagi dal tm. las traiss punts da Solas (80 e 90 m autezza) dals onns 1869, 1902 (viafier) e 1980. Pop. rum.: 1880 95%, 1941 77%, 1990 46%/62% (l. p./l. p. u disc.). Dapi il 1845 scola en vischn., constr. da la chasa da scola 1890. 1893 21 scolars, 1966 28, 1983 5, perquai consorzi cun Casti fin 1991. Pe da taglia favuraivel grazia a la furniziun d'aua a las OE Niselas Turitg (lai engrondì il 1989). 1990 constr. d'ina nova chasa da scola e d'in edifizi polivalent.

A: ACom. A.; Kdm GR 2, 266–80; Gem. GR, nr. 3.
Gion Peder Thöni

Alvra (tud. Albula), flum e district GR. 1349 *Ilbelle*. L'A. nascha al nord dal Pass da l'A. sin il territ. da Bravuogn e traversa ina buna part dal GR central. Sut Filisur s'unescha il flum cun la

Landwasser ed a Casti cun la Gelgia per traversar il Meir e sbuccar a Farschno en il Rain posteriur. L'archeologia cumprova per la Val d'A. in'industria metallurgica dal tbronz. OE da la vischn. da Bravuogn a Preda (1904), da la citad da Turitg cun centrala a Seglias (1910) e da l'A.-Landwasser cun centralas a Filisur (1965) e Casti (1988). Il distr. A. è vegnì separà il 1851. I sa tracta d'in construct artifizial senza antecessurs istorics. Quest district cumpiglia ils cirq. Surses, Bravuogn, Belfort ed Alvaschagn che han remplazzà il 1851 las veglias vischn. giudiz. da Stalla, Surses, Casti, Vaz sura, Bravuogn, Belfort dador e dadens.

Litt: K. ECLI, *Die Landschaft Belfort im mittleren Albulatal*, 1978; HBG, t. I.

Jürg Simonett

Andeer, vischn. pol. GR, cirq. Schons, distr. Valragn. Vischn. lung la via al Rain posteriur, cun Balamburtg. Seg. mes. 12. tsch. *Amede*, 1208 *Anders*. 1803 402 abit.; 1880 601; 1900 499; 1960 988; 1990 593. A. correspunda evtl. al *Lapidaria* roman. Chats dal tfier e dal trom. e fossas protoistoricas a l'entrada da la Puntcrap conferman il postulat d'ina via auta. Il svilup d'A. en la Val Schons è vegnì frenà dal privel d'aua gronda (p. ex. 1834, 1868). Mes. 12. tsch. *ad Bargone*, abitadi e center d'ina curt a A.. En la mes. 13. tsch. ha infeudà l'uestgieu da Cuira ils baruns da Vaz cun quella curt. Ils dretgs feudals en la Val Schons han già successivamain ils da Vaz, da Werdenberg ed, a partir dal 1456, puspè l'uestgieu da Cuira. Il 1458 è sa cumprada liber la vallada. Eccl. appartegneva A.a S. Martin/Ziràn. Ina chaplutta da S. Stiafen en la Puntcrap, constr. prob. suenter il 700, è sparida. La chaplutta da S. Michel, menz. il 1419, ha survegnì il 1480 ina chaplania curatura. Enturn il 1530 è A. daventada ref. ed è sa separada eccl. da Ziràn il 1601. Il schlargiament da la Viamala (1473) e l'avvertura da la susta al port Schons (1593) han augmentà il traffic sur il Spleia e sur il San Bernardino. Las chasas Pedrun (16. tsch.) e Ca-

pol (1599) expriman la bainstanza che quel ha purtà a la val. Fin en il 19. tsch. han ins explotà ed elavurà metal. A. è stada in vischinadi da la vischn. giudiz. da Schons fin il 1851 e furmava cun Pignia, Farera e Calantgil ina dretgira civila. Pussaivladads da gudogn purschevan l'allevament da muvel (1831 emprima segiranza da muvel dal chantun), il svilup dal traffic suenter la constr. da la via da transit (1818-23) ed il bogn da cura (a partir dal 1829). A. ha remplazzà Ziràn sco center da la Val Schons en il 19. tsch. La diminuziun dal traffic da transit en consequenza da l'avvertura da la viafier dal Gottard (1882) ha manà A. en ina crisa econ.. En il 20. tsch han ils d'A. chattà lavur surtut en las traïs chavas da granit, en la centrala da las OE Rain posteriur (1962), en il bogn da cura (reconstr. il 1982) ed en il turissem da viandar e da far bogn (1986 540 letgs per esters, 46% da quels en abitaziuns secundaras). 1990 37% da las plazzas da lavur en il 2., 54% en il 3. sectur. Part da la pop. rum.: 1880 66%; 1941 50%; 1990 15%/31% (l. p./l. p. u disc.).

Litt: Kdm GR 5, 182-92; Gem. GR, nr. 4.

Jürg Simonett

Andiast, vischn. pol. GR, cirq. Rueun, distr. Glogn. Vischn. lung la via sin 1185 m sin la spunda sid da la chadaina dal Tödi. 765 *Andeste*, fin 1943 *Andest*. 1850: 242 abit.; 1950 309; 1990 217. En il tm. consisteva A. da set singulas curts ed era collià econ. cun Vuorz. Enturn il 1200 sut il domini dals Grünenfels, lura sut quel dals Montalt. A partir dal 1378 part dal signuradi da Vuorz, il 1472 vendì a l'abazia da Mustér. 1429-1734 incorporà en la vischn. giudiz. da Vuorz, lura en quella (resp. dapi il 1851 en il cirq.) da Rueun. Il 1461 è doc. per l'emprima giada la baselgia da S. Giullitta e Quiricus, colliada cun Vuorz fin a la refurmazion il 1526, lura seperiżiun e pastoraziun davent da Rueun fin il 1628. Las litas confess. cun Vuorz han durà fin en il 19. tsch.. Il 1472 èn doc. minieras en la Val dil Tschegn. La

vischn. trad. purila cun sias aclas ed alps (1990: 59% da las plazzas da lavur en il 1. sectur) ha conclus il 1966 l'arrondaziun dal funs. La vischn. conces-siunaria ha entradas considerablas da l'OENO/NOK Glion. Dapi il 1972 fa part A. ensemens cun Breil e Vuorz da la Cuminanza da lavur telefericas e rurals Péz d'Artgas. Part da la pop. rum.: 1880 99%; 1941 98%; 1990 89%/94% (l. p./l. p. u disc.).
Litt: Kdm GR 4, 280-83; Gem. GR, nr. 5; R. CADONAU, A. e Vuorz, en: ASRR 94 (1981), 69-102.

Adolf Collenberg

Anugl (tud. Nolla), torrent a Tusaun, sa sparta a Masügg en la *Wiss Nolla* e la *Schwarz Nolla*. 1383 *Anuoyll*, 1472 *enthalb den Nollen*. Il num A. (tschanc) è in'allegoria dal flum. Il 1579 èn doc. in mulin, ina resgia, in fallun ed ina riba da chony ad *Übernolla*, il 1592 er ina ferrera ed ina chamona da tir. Dal 1674 dateschan per l'emprima giada bovas en la part sura da l'A. e bains devastads. La planira da la Tumleastga è veginida cuvruda p. p. da glitta da l'A.. Enturn il 1750 èn glischnadas giu grondas parts dals bains da Tschupegna en la chovorgia da l'A.. Donns considerabels tras l'aua gronda dal 1868. Correcziun, rempars ed emplantaziuns en la regiun da funtauna da l'A. durant il 19. e 20. tsch. A: ACom. Tusaun.

Martin Bundi

Araschga (tud. Araschgen),aclaun sin 750-800 m a la sortida da la Val Curvalda, partenent a las vischn. pol. da Cuira, Malix e Curvalda, GR. Ca. 1350 *Giraschga*. 1990 ca. 250 abit.. L'aua d'A., menz. en il 16. tsch. e resuverta il 1863, è daventada conuschenta sut il num Passugg vers la fin dal 19. tsch. ensemens cun la chasa da cura e l'inter-presa d'embuttiglier. 1887-94 constr. da la via Cuira-Tschierscha. La culegna da purs e schurnaliers è sa sviluppada il davos temp ad in quartier da pendularis a Cuira.

Litt: Araschger Huuszitig 18 (1990).

Jürg Simonett

Ardez, vischn. pol. GR, cirq. Sur Tasna, distr. En, situada a sanestra da l'En,

cun Bos-cha e Sur En. Ca. 840 *Ardezis*, tud. *Steinsberg* (fin en il 19. tsch.). 1835 599 abit.; 1910 1'005 (VR); 1990 393. A Bos-cha han ins chattà craps-scaluttas dal tpreist. ('craps da strias'), a Chanoua cheramica da la cultura Fritzens-Sanzeno. Suotchastè è stà colonisà, tenor perscrutaziuns, senza interrupziun dal tbronztard. (cultura da Melaun) fin al tfiertemp. (Fritzens-Sanzeno). Chats dateschan er dal trom. Dal 1161-1310 èn doc. signurs de *Ardetz*. Ils signurs da Tarasp, la claustra da Mariamunt, l'uvestg da Cuira, il contadi Tirol ed ils signurs da Matsch avevan possess e dretgs ad A.. Il chastè da Sasmunt, oriund. ina fortezza cun baselgia (baselgia da S. Luzi, rest. il 1985), a partir dal 12. tsch. sez feudal, è passà tras cumpra a l'uvestg da Cuira avant il 1209, furmond dapi là il center dal domini episc.. El è vegnì destrui il 1499 ensemens cun la vischn. d'A. en la guerra svabaisa (tur rest. pliras giadas). La veglia plair d'A. cumpigliava sper Guarda, Lavin e Susch er Cuttura en il Paznaun (A/Tirol). Il 1538 è convertì A. al prot.. 1576/77 reconstr. da la baselgia. Il 1622 han ils Austriacs destrui la vischn. d'A.. Il 1652 è ella sa cumprada liber da l'Austria e furma dapi il 1854 in'atgna vischn. pol.. Ils abitants d'A. vivevan da l'agricultura e da la tratga da muvel. Els han colonisà las pastgiras a Cuttura da l'autra vart dal Pass Fu-tschiöl ed han exportà laina en il Tirol fin ca. 1850. Cuntas regularas cun Ftan pervi dal cunfin en la Val Tasna e cun Tarasp pervi da la punt sur l'En. Il 1913 ha survegnì A. ina staziun da viafier, il 1978 in sviament. Gia il 1939 han ins entschavì ad arrundar il terren. La vischn. cumpacta e p.g.p. intacta è veginida elegida il 1975 sco ina da las quatter vischn. exemplaricas da la Svizzera en il rom da l'onn europeic da tgira da monuments e da protecziun da la patria; dapi là numerusas restauraziuns. 1990 58% da las plazzas da lavur en il 3. sectur, il rest sa reparta sin l'agricultura e mastergnanza.

Litt: CLAVADETSCHER/MEYER, *Burgenbuch GR*, 191-95; J. CLAGLÜNA, A., *Gemeinde-*

chronik, 1985^a; *Bericht zur Réalisation exemplaire A. 1975–85*, ed. Fundazion Pro A., 1986.
Paul Eugen Grimm

Arosa, vischn. pol. GR, cirq. Scanvetg, distr. Plessur. Lieu da cura e da sport sin las spundas al sidost da la chadaina dal Weisshorn entadim il Scanvetg che s'avra qua vers il sid e vers l'ost. A. cumpiglia ils quartiers Innerarosa, Dorf-Obersee, Untersee, Maran-Prätschli (1'690–1'950 m). 1330 *Araus*, 1383 *Orossen*, 1428 *Arosa*. 1550–1750 ca. 125 abit.; 1850 52; 1900 1'071; 1930 3'466; 1940 1'980; 1990 2'271. Grondas oscillaziuns da la pop. tenor stagiu (tr. 4'600/schaner e 2'500/matg). Il 1222 è doc. ina curt *Merans* (Maran) da la claustra da Curvalda,abitada da Rumanstschs. Entsch. 14. tsch. colonizaziun tras Gualsers. Ils baruns da Vaz integreschan lur 6 u 7 singulas curts en la corporaziun da curts da Tavau. Ils Gualsers eran personas libras e stuevan pajar als baruns da Vaz tschairs en furma da chaschiel, launa, nursas e paintg enturn il 1330. Il 1337 passan ils dretgs feudals dals baruns da Vaz als conts da Toggenburg, suenter il 1436 als conts da Montfort, lura a quels da Matsch. Il 1470 van els en possess dals Habsburgais. Il 1649 sa cumpra ora la dretgira auta da Tavau ensemen cun il vischinnadi d'A. dals dretgs feudals da la chasa Habsburg. Suenter in'emprima prova malreussida il 1542 sa separa A. da Tavau il 1851 e daventa ina vischn. pol.. Il 1911 passa la curt Maran cun l'alp ed il guaud da Peist ad A.. Eccles. appartegneva A. oriund. a la plaiv da Vaz. Il 1384 construeschan A., Sapün e Fondei la baselgia a Pralung sco filiala da S. Peider, ed il 1492 ensemen cun Maran e Prätsch l'uschen. «Bergkirchli» ad Innerarosa (patrocini da S. Barbara e S. Jodocus). Il 1520 sa separa A. da la plaiv da Pralung e sa convertescha il 1528 al prot.. 1907–09 constr. da la baselgia ref., cat. (oz albiert da giuventetgna) ed engl. (sbuvada il 1985) a Dorf-Obersee. Ils catolics erigian 1935–36 la baselgia da Nossadunna. 1400–1560 explotescha A. minerals al Erzhorn,

Tschirpen e Rothorn e cula quels en l'Isel. Fin en il 19. tsch. tardiv predomineschian la tratga da muvel e l'economia d'alp. Il 1438 sa cumpran ora Tavau ed A. dals tschairs feudals visavi ils ertavels dals conts da Toggenburg. L'utilisaziun da las alps vegniva reglada tras ina repartiziun tenor vatgadas. Mintga alpegiant pudeva disponer libramain da quests dretgs. A partir dal 1443 venda A. repetidamain bains e dretgs da vatgadas ad esters. Uschia van anc avant il 1596 l'Alp Furgga a Maiavilla, il Welschtobel ad Alvagni, Altein e la Satelalp a la citad da Cuira e la Schönbodenalp parzialmain a Cuira e Maiavilla. Suenter lungas charplinas cun Cuira cumpra enavos A. il 1781 parts da la Schönbodenalp (oz Aroser Alp). Il 1880 entschaiva A. a sa sviluppar ad in lieu da cura e da sport. La gronda affluenza da giasts da stad a partir dal 1875 maina il 1877–78 a l'avertura da las emprimas pensiuns, il 1880 a la constr. dals emprims hotels ed il 1884 a la fundaziun da la societad da cura. L'emprim sanatori per malsauns dal lom, constr. il 1888 tras dr. Otto Herwig, e la recepziun da pazients en chasas gia existentas fan d'A. in lieu da cura cun occupaziun permanenta. A la fin dal 19. tsch. arrivan ils emprims turists da skis ad A. 1888–90 constr. da la via Pralung-A., 1897 da las OE Arosa, 1912–14 da la viafier privata Cuira-A. (incorp. il 1942 a la VR). 1916 constr. dal sanatori grischun, transfurmà il 1960 en in hotel. Il 'Lichtklimatisches Observatorium', fundà il 1921 per la perscrutaziun scient. dal clima d'A. sut la dir. da prof. Paul Götz, daventa ina part integrala da las staziuns internaz. per l'observaziun da l'ozon. 1927–31 gronda activitat en il sectur da constr. e transfurmaziun da sanatoris en hotels. Dapi il 1911 organisescha A. cursas da chavals sin naiv. 1938 constr. dals emprims runals, 1945–56 da las emprimas telefericas. Il 1939 installescha la SPF Turitg in'observatori astronomic sin il Tschuggen. las emprimas chasas d'appartaments inizieschan il 1959 ina seunda unda da bajegiar (abitaziuns da

vacanzas). Il scumond d'ir cun auto la notg, decretà ad A. il 1973, e l'introd. da bus gratuïts il 1988 èn provas da du-magnar il traffic local. Dals giasts da vacanzas derivan il 1990 63% da la Svi-zra, 26% da la Germania, 6% dal Bene-lux, 3% da l'Engalterra. Il dumber dals letgs da giasts munta da 750 (1900) a 3'500 (1930) resp. a 11'000 (1990), quel da las pernottaziuns da 97'400 (1905) a 536'000 (1930) resp. a 1'003'000 (1990). Litt: R. JUST, *Die Gemeinde A.*, 1908; BUNDI, *Besiedlung; A. ... in Kürze*, 1986.

Hans Danuser

Arvigo, vischn. pol. GR, cirq. Calanca, distr. Moesa. 1453 *Arvicho*. Lieu principal da la val e sez da la dretgira cirq., 1980 incorporaziun da Landarenca. Regress permanent da la pop.: 1691 400; 1733 352; 1850 110; 1920 134; 1990 115 (incl. Landarenca). 1496 entran la Mesolcina e la Val Calanca sco otgavla dretgira auta en la Lia grischa. La Calanca daventa ina da las quatter 'squadrars' (vischn. giudiz.) ed A. ina mesa 'dega-gna' (vischinadi). 1590 chaplania, 1611 plaiiv. La baselgia da S. Lorenzo, menz. il 1453, vegn reconstr. en il 17. tsch. e rest. en il 20. tsch.. Ulteriurs edifizis sacrals: chaplutta da la Madonna Addolorata (17. tsch.) e chaplutta da S. Giovanni Nepomuceno (ca. 1710). La pop. d'A. viveva en emprima lingia da la tratta da muvel e da la pasculaziun. Ils tsch. passads èn emigradas bleras persunas sco vairders e vendiders da rasha en Bavaria ed en Austria. Il 1920 entschaiva A. ad explotar plattamorta verda (paragnais). Quest sectur econ. occupa anc oz 65 persunas.

Litt: A. BERTOSSA, *Storia della Calanca*, 1937; C. SANTI, *I venditori di ragia della Val Calanca*, en: *Folclore svizzero*, nr. 78 (1988), 29–38.

Cesare Santi

Ascharina, part da la vischn. da S. Antönnia-Ascharina, toponim frequent e denominaziun da diversas culegnas en il GR. Il num A. deriva dal lat. *acer/acereus* (> rum. *aschier* > *ischier* > *ischi/ascher*) cun il suffix *-ina*. Il medem etimon han er ils numbs locals Scharina, Scharinis, Ascherina, Naschregna,

Dascharina ed Aschera en il Partenz. En blers lieus cuverts pli baud d'ischis na chatt'ins oz strusch pli fastizs da tals guauds da feglia.

Litt: RN II, 3–4.

Martin Bundi

Aschera (tud. Schiers), vischn. pol. GR, cirq. A., distr. Unterlandquart. Vitg lung la via en la part inferiura dal Partenz a la sbuccada dal Schraubach. Center da la part exteriura e mesauna da val. La vischn. consista dal vitg A. cun Tersier giu'l funs da la val e las fracz. purilas Lunden, Fajauna-Stels, Maria-Montagna, Pusserein e Schuders sin las spundas sid. Il 1875 è passà l'aclaun Sigg dad A. a la vischn. da Valzeina. 1101 *Scieres*. 1780 1'110 abit.; 1850 1'741; 1900 1'654; 1950 2'312; 1990 2'400.

Dal tbronz dateschan in singul chat ad A. ed in chat da deposit u da munaidas a Montagna. Sin la Chrea ad A. è doc. ina culegna da tfiertard.. In chat da mundaidas a Montagna datescha dal trom.. Chats ed outras perditgas ad A. e conturns cumprovan ina culegna abitada cintinuantamain da l'antica al tmtemp.. En l'iert da la pravenda èn vegnids a la glisch il 1955–60 restanzas da duas pitschnas baselgias da santeri dal teristtemp. cun passa 100 fossas (5.–7. tsch.). En il 12. tsch. eran daventads ils canonis da Cuira ils possessurs da terren ils pli impurtants ad A. grazia ad in legat episc. d'enturn il 1100 e grazia a donaziuns dal maun secular. Er ils baruns da Vaz ed ils chavaliers d'Aspermont possedevan en il 13. tsch. terren ad A. Ils dretgs suverans eran ids suenter l'extincziun da la dinastia da Vaz als conts da Toggenburg fin il 1436, lura als signurs da Montfort e da Matsch ed a partir dal 1452 als quels da Matsch en l'entira dretgira d'A.. Il domini austriac ha durà dal 1496–1649. Entaifer la dretgira d'A., naschida durant il domini da Solavers, è sa sviluppada ina dretgira da canonis che è aderida il 1436, ensemble cun la vischn. giudiz. dad A., a la Lia da las diesch dretgiras. Il 1506 è ella vegnida incorporada en la dretgira d'A. che è sa dividida en duas mesas

dretgiras il 1679. La germanisaziun nà da la Val dal Rain e tras ils Gualsers a partir da Tavau è ida a fin enturn la mes. dal 16. tsch.. La baselgia da S. Gion, menz. per l'emprima giada il 1101, da quel temp prob. la baselgia da la vallada, aveva en il tmtard. ina plai che tanscheva da Sievgia e. P. fin a Cu-vlignas. L'autoritat seculara aveva il dretg da collatura. Pauc temp suenter la refurma ad A. (1563) han bandunà ils canonis il vitg ed han vendì lur davos dretgs e bains il 1677. La baselgia e la vischn. èn vegnididas destruidas duas giadas: il 1622 tras in'armada austr., il 1767 tras in incendi. Enturn il 1800 eran occupads almain 80% dals abitants dad A. en l'agricultura ed en l'allevament da muvel (economia d'alp). Fin il 1900 è sa diminuida la part dal 1. sectur a 14%, entant ch'ella è augmentada en il 3. sectur a 56%. L'industrialisaziun ed il svilup dal traffic (stradun 1849, viafier 1889, sviamente 1967) han promovi la migraziun. Suenter il 1945 ha cumenzà la mecanisaziun da l'agricultura. Ils mastergns vegls, sco la constr. d'orgels (fin 1850), èn vegnidis remplazzads tras divers auters (mazlarias grondas, stamparias, elavuraziun da laina, interpresas da constr.). Ad A. sa chattan la Scola media evang., fundada il 1837 sco seminari da mag., ina scola da puras e da tegnairchasa (dapi il 1950), in center da reunion a Stels, l'ospital regiunal dal Partenz (dapi il 1881) cun ina dimora per attempads ed ina chasa da fliament sco era la «Prättigauer Zeitung» (dapi il 1901).

Litt: M. THÖNY, *Schiers*, 1934, 1995²; F. OSWALD et al., *Vorromanische Kirchenbauten*, 1966–71, 1990², 304ss.; E. KOBLER, *La commune de Schiers*, 1970; *Archäologie in Graubünden*, 1992.

Otto Clavuot

Augio, fracz. da la vischn. pol. da Rossa GR, situada sin la spunda dretga da la Calancasca (1034 m). 1850 168 abit.; 1900 109; 1950 102; 1990 34. 1301 *Augio*. Il 1496 furmava A. ina da las mesas 'degagnas' (vischinadis) da la vischn. da Calanca. 1851–82 vischn. autonoma, lura incorp. en la vischn. pol. da Rossa.

L'actuala baselgia dals SS. Giuseppe ed Antonio da Padua datescha dal 1784 ed è vegnida constr. al lieu d'ina chaplutta d'avant il 1683. L'economia d'A. è stada liada da tuts temps a la tratga da biestga. Ils emigrants d'A., activs sco vaidrers en Frantscha e sco vendiders da rascha en Baviera ed en il Tirol, han rendì conuschten la vischn. a l'exterior. In product da quest'emigrazion è la Casa Spadino, constr. en il 18. tsch. ed oz sez dal center cultural La Cascata.

Litt: E. AGUSTONI, M. SOMAINI, *Guida all'arte del Moesano*, 1. Calanca, 1990.

Cesare Santi

Avras (tud. Avers), vischn. pol. GR, cirq. A., distr. Rain posteriur. La culegna consista da singuls bains ed aclauns, tr.a. da Cresta, il center pol. ed eccles. da la val, e da Juf, l'abitadi permanent il pli aut en Europa (2126 m). La vischn. cumpiglia la val dal Rain da Juf ed A. e las vals lateralas Madris e Bergalga. 1292 *Anue (Avre?)*, 1354 *Auers*. 1645 498 abit.; 1950 293; 1900 204; 1950 167; 1960 270; 1990 128. Ina sigir a tatona radunda (fin dal tneol.) e traiss fossas (3.–6. tsch.) dattan perditga d'ina preschientscha d'umans fitg temprivia. La val d'A. è prob. vegnida colonizada da Rumantschs pir a partir dal 11. tsch. sur l'ospizi da Son Pieder (Pass dal Set). Suenter il 1280 immigreschian Gualsers dal Pomat ad A., els sa domicilieschan dentant a l'entsch. en las regiuns pli autas da la val. Fin il 1310/20 conquistan els l'entira val e stgatschan la populaziun rum. e ses linguatg. La culegna gualsra era a l'entsch. sut la protecziun da la citad da Com, a partir dal 14. tsch. sut il patrunadi da l'uestgieu da Cuira. Sco part da la Lia da la Chadè (a partir dal 1367) daventa la val d'A. independenta. Ella stipulescha il 1498 in'allianza cun la Confederaziun e daventa il 1524/26 part integrala da las Trais Lias. Sper la baselgia paroch. a Cresta, che datescha da l'entsch. dal 14. tsch. (oriund. prob. patrocini da S. Theodul, evtl. da S. Clau), existan chapluttas a Madris e forsa er a Cröt. La Val d'A. vegn refurmada tr. il

1525/30. La constituziun da la vischn. d'A. è doc. evtl. già per il 1292, segir dentant per il 1377 (vischn. giudiz.). Ils cudeschs dal pajais dal 1622/44 èn revisiuns da statuts pli vegls. Fin il 1867 è stada la chasa-cumin il sez da la dretgira. 1652–64 han già lieu plirs process e pliras execuziuns da strias ad A.. Dapi il 1851 è A. ina vischn. ed in circ., dapi il 1902 er in circul electoral autonom, quai che garantescha a la val ina representanza permanenta en il cussiegli grond. La val sa deditgava a l'allevament da muvel ed a l'economia d'alp ch'ella pratitgava sin basa da chascharia privata e tenor in sistem da corporaziun. Fin ca. 1850 è s'orientà il commerzi da muvel sur il Forcellina ed il Set vers il sid (fieras lumbardas). Ils sintoms da crisa, ch'èn sa mussads p. p. già en il 17. tsch. (daivets, numerusas fittanzas als von Salis, regressiun da la pop.), han cuntanschì lur culminaziun en il 19. tsch.. 1895 avertura da la via d'autos cun access a la rait da traffic chant.. Pir la constr. dal lai da serra en la Valle di Lei (1958–63) ha dentant garantì in prosperiment (tschains d'aua, provediment d'electricitat, renovaziun da l'access a la N 13). Sper l'agricultura, promovida tras la fundaziun Pro A., è occupada la pop. da la val en il turrissem da stad ed enviern (surtut quartiers privats).

Litt: H. WEBER, A., 1985; H. WEBER, *Die Walserkolonie des A.*, en: BM, 1987, 198–212.
Hermann Weber

Badus, colonia fundada da Tujetschins emigrads il 1879 a Dakota/SUA. Ils emprims emigrants èn sa domiciliads 1850–75 a Stillwater/Minnesota. Els han fundà qua enturn il 1865 la sociedad d'util public 'Ligia Grischa'. Cun contribuziuns da commembers han els cumprà preria a Dakota ed han fundà la colonia B. che sa chatta en ina bellezza champagna enturn in lai. La cultivaziun ed il commerzi da graun han purtà bainstanza a ca. 50 famiglias. La colonia B. ha obtegnì pli tard il num 'Ramona' (che signifitga prob. 'la colonia dals Rumanitschs'). Oz vivan mo pli var 15 fa-

miglias da farmers a R., igl exista dentant anc ina «Association of St. Ann's Cemetery of Badus».

Litt: G. GADOLA, *L'emigraziun tujetschina ell'America*, en: ASRR 50 (1936), 137–73.; A. WIDMER, *Sils fastitgs dall'emigraziun romontscha ell'America*, 1981.

Martin Bundi

Balamburtg (tud. Bärenburg), ruina ed aclaun da la vischn. pol. d'Andeer sin ca. 1'100 m a la via veglia al nord da la vischn. principala ed a l'entrada da la Punterap. 1257 *Balanburg*, tud. *Bernburch*. Da B. existan restanzas d'in grond implant. A l'ost èn sa mantegnidias parts dal mir da tschinta ed al sid il foss entaglià en il grip. Il temp da constr. è nunconuschent. Signurs da B. èn menz. per l'emprima giada il 1257. B. era il center da l'admin. signurila dal contadi da Schons, passà il 1338 sco feud da l'uestg da Cuira als conts da Werdenberg-Sargans. B. è vegnì destruì il 1450 durant la disputa da Schons e n'è betg pli vegnì reconstruì. En las runcas sut B., a la via da transit al Spleia ed al San Bernardin, sa chattavan il 1808 set chasas d'allevaturs da muvel e d'agriculturs.

Litt: CLAVADETSCHER/MEYER, *Burgenbuch GR*, 167ss.
Jürg Simonett

Baldenstein, chastè a Seglias sin in grip al sidost da la confluenza da l'Alvra e dal Rain posteriur. Al nord precipizi vers l'Alvra, da las otras varts foss sitg. Il stadi actual dal chastè corresponda a la reconstr. suenter l'incendi dal 1877. Curtins e terrassas dal tmod. han midà fermamain la topografia medievala. La tur principala rectangulara datiescha da l'emp. mes. dal 13. tsch., il fundament dal tract d'abitar al vest evtl. anc dal tmtard.. Ils ulteriurs edificis derivan dal 16.–17. tsch. (elements neogotics, mobigliar preius). Il 1246/52 vegn menz. in tschert Ebo da B.. Il 1289 era B. en possess dals signurs da Löwenstein. Suenter diff. midadas da possess (tr. a. vom Stein, Rinck von B.) appartegna B. dapi il 1782 a la fam. Conrad von B., oz fundaziun da famiglia.

Litt: CLAVADETSCHER/MEYER, *Burgenbuch GR*, 132-34.
Maria-Letizia Boscardin

Barbusch (tud. Burgeis, tal. Burgusio), fracz. da la vischn. da Damal (Vnuost/I). Center dal domini feudal episc. da Cuira en la regiun da l'Adisch dal tm. al 17. tsch.. Il 1131 ha consecrà l'uv. Conrad da Cuira la chaplutta da S. Zeno a B., il 1146 han ins translocà il convent da benedictins da Scuol a S. Steffen sur B.. Qua è lura vegnida fundada la claustra da Mariamunt (tud. Marienberg) che ha influenzà fermamain il svilup spiertal e cultural dal Vnuost settentriunal. En il tmaut. era la plipart da la pop. da lingua rum., blers eran persunas libras (liberi homines, 1150). A B. appartegna er l'uschen. Fürstenburg, residenza d'in chapitani episc.. B. e Mariamunt han survivì relativamain bain la guerra da Chalavaina. En il 16. tsch. è sa formada ina minoritad ref. sut l'influenza da l'Engiadina e da la Val Müstair. L'avat Matthias Lang (1615-40) ha promovì la cuntraref. ed ha er scumandà da discurrer rum., il med il pli efficazi per derasar la ductrina nova. L'uschen. Program da B., stipulà il 1618 da l'avat Lang, è in exemplar clas- sic per l'extirpaziun dal rum. en favur da la germanisaziun d'ina vallada. Quest program cumpiglia il scumond da pre-gias rum., l'introd. da la scola populara cun scolasts tud., la proclamaziun dal tud. sco suletta lingua en las radunanzas communalas e l'obligaziun da tscherner sulettamain funcziunaris da lingua tud.; ils esters, qvd. ils Rumantschs, n'obtegnewan nagin domicil senza la lubient-scha da l'avat; igl era scumandà d'engaschar persunal ester senza l'approvaziun dals superiurs. Quest program radical, sustegni dal suveran tirolais, ha provocà l'extirpaziun da la cardientscha ref. e da la lingua rum. a B. Il 1711 è ida a fin la germanisaziun. L'instituziun d'in chapitani austr. il 1618 ha purtà al GR la per-dita da la dretgira da Sut-Chalavaina ed indeblì B. e ses moviment democratic. Litt: J. RAMPOLD, *Vinschgau*; T. MURK, *Il program da Barbusch 1618*, en: Il Giuven Jauer, nr. 12 (1955). Martin Bundi

Beiva (tal. Bivio), vischn. pol. GR, cirq. Surses, distr. Alvra, situada al pe dals pass dal Güglia e dal Set cun las culegnas periferas Stalveder, Mott, Cavrecia e Valetta da Beiva. B. deriva dal lat. *bivium*, 'spartavias', 'duas vias'. Ca. 840 de stabulo Bivio, fin 1895/1903 Stalla. 1808 182 abit.; 1860 212; 1920 121; 1980 238; 1990 223. Il Set ed il Güglia al sid da B. vegnivan utilisads en il trom. per transports cun chars e sauma. En l'urbari curretic dals bains imperials cumpara B. ca. 840 sco lieu d'alloschi e da deposit. Da quel temp, il pli tard dal 12. tsch. datescha l'ospizi sin il Set, sur il qual èn vegnids pasturs e colonists bregagliots a B.. Ils abit. da questa regiun, cuverta anc fermamain da guaud en il 13./14. tsch., tgiravan contacts cun vischins rum. da l'autra vart dal Güglia e da la val oragiu e cun vischins tud. da l'autra vart dal Stallerberg en la Val d'Avras. B. appartegneva eccles. a Tinizong, il 1219 ha però sur-vegnì la vischn. in agen predigtant. Il 1459 è doc. la baselgia da S. Gagl. Suenter la reformazion (avant il 1584) ha obtegnì il vitg anc oz paritetis pir il 1675 ina baselgia ref.. A partir da la fin dal 15. tsch. aveva la part sura dal Sur-ses in'atgna dretgira civila ed in agen mastral, ella suttasteva al prefect episc. da Riom mo en chaussas criminalas. Entaifer la Lia da la Chadè han furmà Stalla (B. e Marmorera) cun Avras fin il 1851 ina vischn. giudiz. che constituiva ina dretgira auta ensemble cun la dretgira da Ramosch en Engiadina bassa. Fin a l'avertura da la viafier da l'Alvra il 1903 han già la tratga da muvel ed il traffic da transit ina grond'impurtanza per las portas da B.. La vischn. da B. è dapi il 15. tsch. ina cuminanza plurilingua. Durant l'emprima guerra mundiala èn sa domiciliads ils ultims purs bregagliots a B., per gronda part en culegnas periferas. Cun il svilup dal turissem (1959 emprim runal da skis) è creschi-da er la pop. da lingua tud.. Il 1985 eran 64% da las plazzas da lavur en il 3. sectur, 79% dals 2044 letgs da giasts sa chattavan en abitaziuns secundaras. La pop. rum. è sa diminuida da 68% il

1880 a 19% il 1980. Il 1990 han declarà 9% il rum., 54% il tud. e 34% il tal. sco lingua principala; 28% han inditgà da duvrar il rum. regularmain en scola, famiglia e professiun.

Litt: Kdm GR 3, 227-38; A. M. KRISTOL, *Sprachkontakt und Mehrsprachigkeit in B.*, 1984.

Jürg Simonett

Belfort, chastè en ruina a l'ost da Brinzouls sur la via d'Alvagni sin in grip tr. duas chavorgias profundas. Dal chastè principal (chastè sura) èn sa conservadas la tur principala cun in edifizi d'abitar annex da tschintg plauns (al nord), ina cisterna radunda en la curt e l'imposant tract meridiunal, renovà pliras giadas. Ina stgala tagliada en il grip collia la curt cun l'avantchastè (chastè sut). Las parts las pli veglias dateschan da ca. 1200. Il chastè da B., doc. per l'emprima giada il 1222, era il sez principal dals baruns da Vaz, construì sin terren runcà. Suenter l'extincziun da la lingia masculina (1338) arriva B. sco center dal signuradi Belfort tras la figlia Kunigunde en possess dals conts da Toggenburg e daventa sez da prefecatura. Ils 14-3-1499 assaglian ils Grischuns il chastè e mettan el en tschendra.

Litt: CLAVADETSCHER/MEYER, *Burgenbuch GR*, 52-56. Maria-Letizia Boscardin

Belfort, signuradi, pli tard vischn. giudiz. e dapi il 1851 cirq. dal GR, situà sin la spunda dretga da la Val d'Alvra, giudim il Landwassertal. Il chastè da B. a l'ost da Brinzouls, menz. il 1222, vegg constr. ed abità dals conts da Vaz en il 13. tsch.. Quels han la pussanza territ. sur Brinzouls, Surava e parz. era sur Lantsch. En il 14./15. tsch. colonisechan Gualsers da Tavau la regiun da Ferrera e Tain (oriund. alps d'Alvagni). Il 1338-1436 è il signuradi da B. en possess dals conts da Toggenburg. Il 1436, suenter la mort da Friedrich VII., aderescha B. sco vischn. giudiz. a la nova Lia da las diesch dretgiras per evitar ina spartiziun da l'ierta. Il 1477 passa B. sur ils signurs da Montfort e da Matsch a l'Austria. Il chastellan da B. exercitescha la giurisdicziun civila.

Ina communitad da la Chadé a Lantsch, Surava e Brinzouls en il center dal signuradi da B. furma l'uschen. quart exterior da la dretgira da Bravuogn (u Greifenstein) e chaschuna savens charplinas per dretgs e duairs. Be Tain sa convertescha a la refurmaziun. Il 1613 vegg dividida la vischn. giudiz. da B. en la mesa dretgira rum. da B. dadora (cun ils vischinadis da Brinzouls, Lantsch e Surava) ed en la mesa dretgira bilingua da B. dadens (cun Alvagni, Ferrera e Tain). B. dadora ha da proponer al prefect trais candidats per l'elecziun dal mastral, entant che B. dadens s'acquista definit. la dretgira civila. B. sa cumpra liber dals davos dretgs austr. il 1652. Da la dretgira auta da B. fan part la vischn. giudiz. da B. e la vischn. giudiz. da Curvalda. Il 1851 vegg integrada la vischn. giudiz. da B. (senza Tain) en il cirq. B., distr. Alvra, Curvalda (cun Prada) en il cirq. Curvalda, distr. Plessur e Tain en il cirq. Bravuogn, distr. Alvra.

Litt: GILLARDON, *Zehngerichtenbund*; L. SCHMID, *Graubünden*, 1971, 282 s.

Jürg Simonett

Bellaluna, ant. culegna da minieras a l'Alvra sin territori da Filisur al cunfin cun Bravuogn (1'086 m). La schmelzra, constr. d'Albertini & Cia., vegg transferida a l'entsch. dal 19. tsch. da Bravuogn a B. Il 1834 destruescha in incendi da guaud ina part da l'implant. La miniera da B. vegg messa ord funcziun il 1848. La nova via da l'Alvra, che vegg constr. il 1888, maina tras B. e chaschuna la destrucziun d'intgins edifizis e da la schmelzra. A sanestra da l'Alvra èn sa mantegnids l'edifizi d'admin. e d'albiert per miniers, che vegg duvrà periodicamain sco ustaria fin il 1988, ed in conduct che provedeva l'ant. resgia cun aua dal flum. A dretga da l'Alvra sa chattan restanzas da dus furns da crap, d'in furn da metal e da la schmelzra. L'Uniun dals amis da las minieras en GR ha sanà ils dus furns da crap il 1982.

Litt: H. KRÄHENBÜHL, *Der historische Bergbau in Graubünden*, 1984, 32-35.

Martin Bundi

Belmont, a) chastè, ruina a l'ost da Flem-Fidaz sin in grip en il guaud vers la Val Turnighel aut siador sur la via a Trin. Prob. transl. dal tud. ‘Schönenberg’. Al vest dal chastè sa chattan terrassas artifiz. che laschan supponer edifizis agriculs. L'areal dal chastè cum-pigliava plirs edifizis d'abitar, ina tur, ina cisterna cun implant da filtrar ed in mir da tschinta. Restanzas d'ina liadira picturada reenvieschan al 11. tsch. tardiv. Il 1137/39 è doc. in *Lutefridus de B.* Il chastè para d'esser stà abità surtut dal 12.-14. tsch. Il 1380 vegn menz. mo pli in lieu fortifitgà. Il chastè da B. è vegni destruì prob. ensemen cun Schiedberg-Sagogn en la famusa guerra da B. (1352) tr. ils baruns da B. ed ils signurs da Werdenberg-Heiligenberg; b) signuradi, naschì prob. da la chasa da Sagogn. A la famiglia B. èsi reussì d'eriger in signuradi grazia a cumpeten-zas comitalas ed a vegls bains imperials acquistads sur la chasa da Sagogn. Ella possedeva enturn il 1300 surtut dretgs e bains a Domat, a Flem, a Castrisch ed en Lumnezia. Suenter l'extincziun da la chasa da Sagogn e da sias lingias collateralas (Frauenberg, Friborg, Greifen-stein e Wildenberg) sco er dals signurs da Castrisch a l'entsch. dal 14. tsch. van lur dretgs als baruns da B.. En il 14. tsch. cumparan els sco possessurs da la prefectura episc. a Sagogn, a Glion ed en Lumnezia. La guerra da B. dal 1352 aveva prob. en emprima lingia motivs ereditars, essend che la davosa represchentanta dals Wildenberg (Anna da la chasa da Sagogn) era maridada cun Hugo IV. da Werdenberg-Heiligen-berg. Suenter l'extincziun da la fam. Belmont il 1371 va il signuradi tras mariaglia en possess dals Sax-Mesauc ed il 1483 tras cumpra a l'uv. da Cuira. Ils signurs da B. e da Sax-Mesauc obtegnan en la Lia grischa il dretg da proponer mintga traïs onns il chauderschader, en alternanza cun las regiuns da l'avat da Mustér ed dals signurs da Razèn.
Litt: CLAVADETSCHER/MEYER, *Burgenbuch GR*; J. L. MURARO, *Die Freiherren von Belmont*, en: *Festschrift P. Iso Müller*, 1986, 271-310.

Martin Bundi

Beresina, flum lateral dal Dnjepr/Bie-lorussia collià cun la Düna tras in chanal. Ils 28 da nov. 1812 ha gî lieu a la B. ina battaglia tr. l'armada russa e truppas da Napoleun. Il corp franzos Oudinot subischa ina sconfitta a la Düna en vischinanza da Polozk. Ils quatter regiments svizzers (Svizzers co-tschiens), attribuids a quest corp, sur-vegnan l'incumbensa da frenar cun agid dals Polacs e Franzos l'armada russa a la punt sur la B. fin che las truppas franzosas han traversà il flum. Tranter ils Svizzers sa chattan il regiment dal colonel Andris Ragettli da Flem e plirs uffiziers e schuldads dal GR. Dals 1300 Svizzers survivan be 300 la battaglia a la B.. Avant l'erupziun da quella han els chantà la chanzun daventada famusa *Unser Leben gleicht der Reise eines Wandlers in der Nacht* (t. Ludwig Gi-seke, m. Friedrich Wilke).

Litt: TH. LEGLER, *Denkwürdigkeiten aus dem russischen Feldzuge vom Jahre 1812*, 1867; M. WETTERWALD, *Der Text des Beresinaliedes und seine Übersetzungen*, en: Schweiz. Archiv für Volkskunde, nr. 51 (1955), 13-19.

Martin Bundi

Bergamo, chapitala da la provinza da B. en l'Italia dal nord. Suenter cumbats tranter Guelfs e Gibellins en il tm. temporarmain sut il domini milanais. En il 15. tsch. vegn B. incorp. en il domini venez. sco basa milit. vers nordost e sco sez uffizial dals recturs da la Republica da Vaniescha. Il 1512 conquistan ils Grischuns la Vuclina; B. daventa ina provinza perifera ed ina citad vischina da las Trais Lias. Il traffic da transit nord-sid passa tras la regiun: a la fin dal 15. tsch. è doc. il transit sur il Passo di San Marco (1'992 m) da B. a Morbegn che serva enturn il 1528 a dischlocar truppas milit.. Il 1528 vegn reactivà in ulteriur pass da transit doc. en il 16. tsch., il Passo di Dordona (2'080 m) che maina da Fòppolo tras la Val Madre a Fusine en Vuclina. En la seg. mes. dal 16. tsch. tgira B. relaziuns intensivas cun las Trais Lias e cun la Confederaziun. Tras la stamparia Landolfi a Poschiavo entran ideas prot. a B., nua ch'ellas vegnan recepidas da plevons e

sciensiads. Aderents da la cardientscha evang., sco l'umanist e canoni Gerolamo Zanchi u il medi Guglielmo Grataroli, emigreschan: Zanchi il 1551 en Vuclina (preditgant a Clavenna e Plür) e pli tard a Heidelberg (prof. da teol.), Grataroli il 1533 en il GR (expert da bogns termals) e pli tard a Basilea. Giovanni Pietro Parisot fugia da B. e d'avena il 1550 preditgant a Samedan; ils dus frars Bellinchetti bandunan lur patria e lavuran sco spezialists da minieras a Bravuogn. Enturn il 1560 sa furma ina plaiv ref. a B. Vers la mes. dal 16. tsch. entran las fam. Pestalozza da Clavenna e von Cham da Turitg en strengas relaziuns commerzialas a B.; commerziants da Lucarn e da Son Gagl sa retiran a B.. Il 1557 transferescha la societad commerz. Orelli & Pagierano ses sez da Milaun a B.. Ils Grischuns gaujan privilegis venez. (proteczion cunter l'inquisizion, exempziun da dazis, euv.) che vegnan concedids dapi il 1564 er a commerziants turitgais: las societads commerz. Ronco, von Cham, Kambl, Holzhalt, Bebia, Gosswyler e Schneeburger sa participeschon al commerzi da pon e da saida a B.. Il 1592 fan las Trais Lias e Vaniescha dal Passo di San Marco ina via commerz. moderna ed internaz. (*Via Priulana*) da B. a Mornbegn, dond qua tras novs impuls al commerzi grischun e turitgais. L'allianza tr. Vaniescha e las Trais Lias dal 1603 e l'allianza commerz. e milit. tr. Turitg, Berna e Vaniescha dal 1615/18 augmentan ulteriuramain l'impurtanza da B.. Suenter activitads econ., limitadas durant la guerra da trent'onns, viva B. ina nova flurizun en il 18. tsch.. Las chasas grischunas bainstantas da Frizzoni e Martin Sprecher s'engaschan en il commerzi da launa e da saida. Il 1706-64 refuseschan las Trais Lias da schlargiar il Passo di San Marco ad ina via commerz., Vaniescha annullescha ils privilegis venez. il 1764 e las Trais Lias perdan la Vuclina il 1797. En consequenza sa diminueschan las relaziuns per charlar lura dal tuttafatg. Las alps grischunas affittadas da Bergamascs vegnan pasculadas intensivamain en il 19. tsch.

da muntaneras da nursas; il 1874 provocheschan donns pli gronds a plantas e guauds ina restricziun da la pascuziun. L'immigrazion stagiunala da Bergamascs sco lavurers da guaud e praders en il TI e GR duran anc fin a l'entsch. dal 20. tsch..

Litt: B. BELOTTI, *Storia di B. e dei Bergamaschi*, t. 2, 1940; D. FRETZ, *Die Frühbeziehungen zwischen Zürich und B. 1568–1618*, 1940; SPRECHER/JENNY, *Kulturgeschichte*.

Martin Bundi

Bergiaglia, cirq. dal distr. Malögia, vallada da pass al sidvest dal Malögia cun in clima ed ina vegetaziun merid. al sid da Castelmur e d'in caracter autalpin tr. Castelmur e Malögia. La B. sa chatta a las rutas dal Set e dal Güglia che èn prob. las pli veglias e las pli impurtantas sur las Alps centralas. Auters pass mainan da la B. en la Val d'Avras (Duana, Bergalga) ed en Vuclina (Müret). La Maira percura la B. ed avra la val geogr. e cult. vers il sid. Ma la B. è adina er s'orientada vers il nord. Ella appartegna al GR talian (1990 76% tal.) ed è la suletta vallada taliana ref. dal GR (1990 71% ref.). Il cunfin pol. cun il cirq. Engiadina'ota traversa il Lai da Segl da l'autra vart dal sparta-auas. Il Lovero a Castasegna furma il cunfin svizzer cun l'Italia. Il center da la B. è da tuts temps Visavraun.

Sin il Crep da Caslac sur Visavraun sa chattava ina culegna dal tpreist. e protost. ed ina tur da guardia dal tromtard.. Pitschens altars da Mercur al Crep da Caslac ed a la staziun romana *Murus* a Castelmur, munaidas, fragments da vias, la rampa dal Malögine e chats pli pitschens sparpagliads renvieschan al trom.. La B., doc. il 46 s. Cr. sco *Bergale*, era gia en il 2./1. tsch. a. Cr. sut il domini roman.. Ella era l'emprim incorp. en la prefectura da Com, suenter il 350 en la prov. Raetia prima. En il 4. tsch. s. Cr. vegn cristianisa la B. tras Gaudentius (+348) che chatta qua proteczion cunter ils Arians. La baselgia da S. Gaudenzio a Casaccia è deditgada ad el. Il 488 vegn la B. sut il domini ostrogotic, il 568 sut quel dals

Langobards; il 803 vegn la val incorp. en il contadi da Com. Durant la partiun da l'imperi carolingic (ca. 840) furma la B. il ministeri curretic *Bregallia*, il Lovero cunfinescha la Currezia vers il sid. Il 960 regala l'imperatur Otto I. la B. a l'uv. da Cuira che controllescha qua tras las rutas dal Set e dal Güglia. En il tmaut furma la B. ina vischn. da vallada cun vasts dretgs da libertad. La cultivaziun dal terren è già fermamain avanzada il 1100. L'industria da transport e la vendita da chastagnas èn stadas da tuts temps da gronda impurtanza econ.. L'avertura dal Son Gottard culpescha profundamain las interpresas da transport ed augmenta l'impurtanza da l'agricultura en il tmtard.. Quai maina a l'avertura da la planira auta a Malögia e da las pastgiras d'alp en las vals d'Avras e Madris. En il tmtard. possedan las fam. ministerialas dals von Salis, Planta, Prevost, Castelmur e Stampa sco er l'uv. da Cuira la plipart dal terren. Castelmur furma ina fortezza cunter Com che occupa Sottoporta il 1219. Il 1367 vegn incorp. la B. sco dretgira auta en la Lia da la Chadè. L'uv. da Cuira incassa vinavant il dazi e la taglia milit. ed elegia il podestat d'ina proposta da trais. Il 1387 lascha el constr. ina via da salaschada da Tinizong sur il Set a Plür. Il 1474 obtegna Sottoporta in'atgna dretgira da chastis, il 1489 ina dretgira civila limitada. En il tmtard. sa furman a Sopraporta las quatter *squadras* da S. Cassiano, Piazza/Visavraun, Coltura e Borgonovo e la *settima* mez autonoma da Casaccia, a Sottoporta ils *terzieri* da Castasegna, Suogl e Buond. A partir dal 1496 vegn elegì il podestat da mintgamai 8 electurs e d'in notar uffizial da Sotto- e da Sopraporta. Suenter la fundaziun da la Republica da las Trais Lias (1524) e la liberaziun da la B. dals dretgs feudals episc. (1526) vegn stabilì in nov urden giudiz. il 1535: la dretgira criminala per l'entira val e la civila per Sopraporta sa radunan a Visavraun, la dretgira civila per Sottoporta a Suogl. Enturn la mes. dal 16. tsch. perda l'uv. da Cuira era ses dretgs eccles. tras la refurmaziun.

Emprovas da recatolizar la B. tras dominicans e gesuits, protegids dals von Salis, restan senza success. Il medem vala er per talas emprovas interprendidas dals chaputschins il 1622 sut la protecziun da truppas papalas stagiunadas en Vuclina. La revalitaziun dal tal. a la lingua uffiziala da la B. (1546) promova l'autonomia pol.. La pop. patescha surt durant ils Scumbigls grischuns, tr. a. da las devastaziuns tras truppas spagnolas il 1621. Cun la sperdita da la Vuclina il 1797/98 daventa la B. era econ. ina regiun perifera per il GR, il tal. la lingua d'ina pitschna minoritad. Suenter la constr. da la via dal Malögia 1827/28 e 1834-40 renunzia la B. al Pass dal Set. Ils projects d'ina via da Clavenna a Danuder (1771-74) e d'ina viafier da San Murezzan a Clavenna (1910) na vegnan betg realisads. Il dialect da la B., l'uschen. *bregagliot*, cuntagna numerus elements dal rum. e dal lumbard. Las ovras litt. las pli impurtantas èn *La Stria* (1875) da Giovanni Andrea Maurizio e las transl. dal «*Wilhelm Tell*» da Schiller e dal «*Jürg Jenatsch*» da Conrad Ferdinand Meyer, procuradas da Giacomo Maurizio. La fam. dals artists Giacometti da Stampa cuntanschan in renum mundial. L'ant. dretgira auta B. daventa il 1851 in cirq. dal distr. Malögia. Gronda depopulaziun en ils davos 150 onns: 1803 2'170 abit., 1990 1'434. L'agricultura, antruras dominanta, ha pers sia impurtanza. L'utilisaziun da la forza idraulica ed il turissem han avert novas funtaunas finanziarias ed han permess da stgaffir novas plazzas da lavur.

Litt: A. PLANTA, *Verkehrswege*, t. 2; R. STAMPA, R. MAURIZIO, *Das Bergell*, 1994¹.

Adolf Collenberg

Bernegg, ruina da chastè en il Scanvetg sin ina pala al sid da Calfraisa GR. Restanças d'in edifizi d'abitar rectang. a quatter plauns. In ant. mir da tschinta ed in edifizi d'economia sa chattavan prob. al lieu da bajetgs vischins. Il palaz-fortezza datescha prob. dal 13. tsch.. El era il sez dals signurs da Calfraisa, en il 14. tsch. il sez dals signurs dad

Unterwegen. En il 15. tsch. passa il chaste da Calfraisa als Sprechers von Bernegg che dattan ad el il num B.. Ins na sa betg bler dal chaste: enturn il 1550 era el gia ina ruina.

Litt: CLAVADETSCHER/MEYER, *Burgenbuch GR*, 291ss. Maria-Letizia Boscardin

Bernina, district, separà il 1851 tras la Lescha davart la repartiziun dal chantun GR sco distr. da dretgira civila (em-prima instanza). El correspunda en sia dimensiun a la Val Puschlav e sa cumpona dals cirq. Puschlav e Brüsich che han remplazzà da lur vart il 1851 la dretgira auta dal Puschlav.

Litt: L. SCHMID, *Der Kanton Graubünden*, 1973. Jürg Simonett

Bever, vischn. pol. GR, cirq. Engiadina ota, distr. Malögia, cun Spinas a l'entradà dal tunnel da l'Alvra. 1139 *ad Bevero*, fin 1943 *Bevers*. 1850 181 abit.; 1888 151; 1900 407; 1950 227; 1990 496. Chats d'ina farcla da bronz preist. e da restanzas d'abitadis dal tm. en la regiun da Curtins. En il tmtemp. ha fatg part B. fin 1851/54 da l'istorgia pol. da la dretgira auta d'Engiadina ota. La baselgia da S. Giachen, menz. il 1370 ed ornada cun picturas da paraid got. (mes. 14. tsch.), è stada ina filiala da Samedan fin il 1527 (1501 e 1667 edifizis novs, 1672 tur nova). 1552 introd. da la refurma. A l'ost da B. sa chattava l'abitadi *Las Agnas*, mantegnì fin il 1929. 1903 staziun da la VR a B. ed a Spinas, 1913 construcz. da la lingia da viafier en Engiadina bassa. Il mastergn, l'allevament da muvel e las chassas ist. en il center dal vitg han caracte-risà la vischn. da B. che è vegnida schanegiada dal turissem da massa, per quai ch'ils abitants han refusà il 1971 in project exagerà e declarà la Val B. sco zona da repaus alpina. B. è stada l'em-prima vischn. da l'Engiadina ota a scumandar il 1974 l'acquist da terren tras esters. La vischn. ha obtegnì il 1976 il premi da la Fundaziun svizra per la protecziun e la tgira da la cuntrada, il 1985 il premi da l'Uniun svizra per la protecziun da la natira (oz Pro Natura). Il 1989 ha la vischn. survegnì in center

nov. A partir dals onns 60 ha influenzà la gronda mobilitad da la pop. la struc-tura dal vitg; la part da la pop. da lingua rum. è sa diminuida dad 81% il 1880 a 50% il 1941 ed a 24%/48% (l. p./l. p. u disc.) il 1990.

Litt: Kdm GR 3, 318–322; Gem. GR, nr. 12; D. GIOVANOLI, *Siedlungsinventar Bever*, 1988. Ottavio Clavuot

Bodio, fracz. da la vischn. da Cauco GR (955 m), situada sin la spunda dretga da la Calanca. 1476 *Pogio*. Cumpiglia ina dunsaina da chasas, var 15 uigls ed insaquantas «torbe» (chasas da mir/lain). En il center da la vischn. sa chatta la chaplutta da Nossadunna da Loreto, constr. il 1650 e deditgada oriund. a S. Bernardin da Siena. Il stradun traversa il center dal vitg.

Litt: M. A. REINHARD-FELICE, *La casa rurale della Valle Calanca*, 1990; D. GIOVANOLI, *Inventario dei maggenghi grigioni*, fasc. 10 (1992). Cesare Santi

Boggian (tal. Torre Boggiano), tur mar-canta sin in grip dominant a Roveredo a l'entrada da la Val Traversagna ed a la via Bocchetta di Camedo-Gravedona/ Lai da Com. La tur da B. ha giugà prob. sia rolla principala tr. il 13. e 15. tsch. sco punct da controlla dal traffic nord-sid dal Lai da Com a Roveredo ed en la Val Calanca. En il 13. tsch. è doc. a Gravedona/Calanca ina famiglia de Boiano/Bogiano. En il 15. tsch. ha servì la tur prob. era sco basa als conts da Sax che avevan expandì lur domini enturn il 1450 fin al Monte Dongo al pe sid da las Alps.

Litt: BUNDI, *Besiedlung*, 263–64; CLAVADE-TSCHER/MEYER, *Burgenbuch GR*, 261–62.

Martin Bundi

Bogn d'Alvagni, fracz. da la vischn. pol. d'Alvagni GR, situada sin la spunda sur la planira alluviala da l'Alvra. 1466 *Alphanau*. 1827 25 abit.; 1902 92 (constr. da la viafier); 1970 125; 1990 75. La tur d'abitar dal tm. dals milites (chavaliers) d'A., menz. il 1244, era anc vesavila il 1550 e serviva prob. als baruns da Vaz sco staziun da duana. Sia posiziun lascha presumar che la ruta sur l'Alvra manava

qua sperasvi. Las funtaunas da zulper vegnivan prob. utilisadas gia en il trom. (chat da munaidas). Il bogn è menz. l'emprima giada il 1474, ed il 1747 han descrit Johann Baptist Bavier, Johann Anton Grass e Meinrad Schwartz l'effect curativ da l'aua. Possessurs eran la fam. Walthier (17. tsch.), las fam. Simmen e Sprecher (18. tsch.) ed ils Balzers d'A. (19. tsch.). La posta a chavals sin la nova via da l'Alvra ha purtà a partir dal 1850 ina flurizun al bogn ed a la vischn. (commerzi, ustarias). La chasa da cura, renovada il 1866, è vegnida engrondida il 1904 e serrada il 1962. Il 1997 han ins avert a B. d'A. ina plazza da golf, ed igl è previs da constr. in center da bogns. La baselgia cat. barocca è vegnida constr. suenter la pesta dals onns 1629/30 e consecrada als SS. Bastiaun e Roc, il 1854 a la S. Trinitad. 1851–1957 ha gî lieu a B. d'A., en alternanza cun Brinzouls, il cumin dal cirq. Belfort, fin il 1950 ina fiera da muvel regiunala. Dapi il 1902 ha B. d'A. ina staziun da la VR. La scola è vegnida serrada il 1971.

Litt: A. BALZER, *Igl Bogn d'Alvagni*, en: Noss Sulom 6 (1927), 3–12; Kdm GR 2, 340–42; SOS 27–2–1998 e 3–3–1999.

Gion Peder Thöni

Borgonovo, fracz. da la vischn. pol. da Stampa GR. Vitg lung la via cun punt da crap dal 1699 sur la Maira. 1391 *Borgonovo*. Singuls chats dal tbronz e dal temp da Latène tard. (manera). En il tmtard. ensemble cun Cultura, S. Cassian e Piazza/Visavraun ina da las squadradas da la vischn. giudiz. da Sopraporta, 1859 fracz. da Stampa. La chaplutta da B., menz. il 1327, appartegna a Nossa-donna a Promontogno. A partir dal 1549 baselgia evang. da S. Giorgio, lieu da sepultura da la dinastia dals artists Giacometti. 1933 lieu da scola reala da Visavraun e Stampa. Sviament dapi il 1975.

Litt: Kdm GR 5, 445–55; Gem. GR, nr. 168; T. SEMADENI, *Die Stiftung einer ewigen Messe in Borgonovo*, en: BM, 1917, 380–83.

Adolf Collenberg

Bos-cha, aclaun da la vischn. d'Ardez, situà a la via medievala da Ftan ad Ar-

dez, Guarda, Gonda e Lavin sin 1'664 m.. Il 1536 èn doc. in Claot, in Nutt ed in'Ursina da *Boschka* cun possess a B.. Il num B. deriva da germ. Bosk ‘chaglia’ (tal. bosco, franz. bois ‘guaud’). Il 1521 vegn menz. ina chaplutta da S. Steffan a B., bandunada anc en il 16. tsch.. Il chaplan tgirava a medem temp era la chaplutta da S. Luzi sin il chastè da Steinsberg. La chaplutta è vegnida integrada enturn il 1570 en ina chasa arsa giu il 1931 che sa chattava al lieu da la ‘Chasa Craista’ odierna. Tenor ils tschentaments d'Ardez dal 1697 aveva B. in agen funcziunari per tscherts uffizis, p. ex. per surveglier ils implants da sauaziun (*auguer da commün*). La chasa Viletta a B., constr. enturn il 1830, è ina chasa burgaisa remartgabla cun ina culmaina artgada singulara.

Litt: Kdm GR 3.

Martin Bundi

Braggio, vischn. GR, cirq. Calanca, distr. Moesa, situada en ina planira auta (1320 m s. m.) sin la spunda sanestra da la Val Calanca. B. è cuntanschibel be cun ina teleferica (constr. il 1961) e sur ina via da sauma. 1419 *Bragio*. 1850 123 abit.; 1900 108; 1950 98; 1990 54. B. fascheva part da la vischn. da Calanca sco mesa ‘degagna’, il 1851 è ella daventada ina vischn. autonoma. La baselgia paroch. da S. Bartolome, menz. gia il 1611, è vegnida consecrada cun il santeri il 1633. L'economia d'alp e las entradas dals emigrants (vaidrers, vendiders da rascha) han furmà ditg la basa econ. da B.. I dat anc oz diversas famiglias da purs a B.. Il 1934 han ins arrundà il terren ed il 1976 restituì ils rempars da lavinas; il plan regulativ comm. è dal 1979. Il 1973 è vegnida serrada definitivamain la scola comm.; l'edifizi serva dapi là sco albier per giuvenils.

Litt: A. BERTOSSA, *Storia della Val Calanca*, 1937; C. SANTI, *I venditori di ragia della val Calanca*, en: Folclore svizzero, nr. 78 (1988), 29–38.

Cesare Santi

Brail, fracz. da la vischn. pol. da Zernez. 1283 *Brigel, Bregel*. A B. è doc. il 1283 l'emprim possess da la chasa Wildenberg-Sagogn, pli tard la chasa Wilden-

berg-Zernez: prada a *Cunzera* (Gund-scheras) ed *Allareto de Pestel* (Laret da Paistel). Emprima baselgia doc. il 1415, restaurada prob. enturn il 1650. Sco patrocini princ. è doc. S. Tumasch il 1499, sco patrocinis sec. S. Christophorus il 1508 e S. Barbara il 1513. Chaplania da la pravenda da Zernez., ref. dapi il 1553, pastorada davent da Zernez fin il 1742 ed a partir dal 1834.
Litt: Kdm 3, 547/48; BUB, t. 3, doc. dals 20-1-1283; CLAVADETSCHER/MEYER, *Burgenbuch GR*, 210.

Adolf Collenberg

Bravuogn, uffiz. Bergün/B., vischn. pol. GR, cirq. Bravuogn, distr. Alvra. Vitg lung la via cun Preda al Pass da l'Alvra e las duas culegnas Latsch (autonoma fin il 1912) e Stugl (autonoma fin il 1920), situadas sin terrassas da la vart dretga da la val. 1209 *de Bregonio*. 1571 542 abit.; 1803 495; 1850 637 (cun Latsch e Stugl), 1900 1'537; 1970 451; 1990 480. Chats dal tbronz a B. ed en ils conturns. Ils Rumantschs han colonisà pir en il tmtard. la part sura da la Val d'Alvra cuverta da guaud. Il 1154 è doc. ina curt episc. a Latsch, il 1270 in bain a Stugl. Dal 12. tsch. datescha il signuradi dals Greifenstein che residavan prob. a B. en la tur medievala amez il vitg. Dals signurs da Wildenberg, da Werdenberg e da Matsch è passà il signuradi a l'uv. da Cuira il 1394. Enturn il 1400 menz. l'urbari episc. duas majarias e 27 huobas a B.. Il 1537 sa cumpria liber B. dals dretgs feudals. Da la baselgia princ. dals SS. Peder e Flurin, constr. il 1188, sa separan il 1496 Filisur, il 1620 Latsch e Stugl. 1577-90 refurmaziun. Ils vischinadis da Filisur, Latsch e Stugl possedevan atgnas dretgiras civitas. B. era il lieu principal da la vischn. giudiz. cun il medem num ed aveva in lieu d'execuziun (dapi il 1854 dal cirq. B. cun Tain e Ferrera). Sper l'allevament da muvel e l'agricultura han permess era l'explotazion e l'elavuraziun da minerals da fier in'existenza en il 16.-19. tsch.. Il traffic sur l'Alvra aveva gudagnà dapli impurtanza suenter ch'ins aveva perforà il Crap da B. il 1696 e constrù la via sur il pass il 1865.

Quai declera l'orientaziun da B. vers l'Engiadina. Dal 1860-75 existeva ina fabrica da quadrels al Crap Alv. La viafier da l'Alvra (1903) ha promovì il turissem (chasa da cura, 1905), e Preda è abità dapi là tut onn. Il turissem d'enviern profita da la via da scarsolar da Preda-B. e dals implants da skis, constr. suenter il 1959. Il 1985 appartegnevàn 61% da las piazze da lavour al terz sectur. 64% dals 2079 letgs da giasts eran il 1986 en abitaziuns da vacanzas. 1975-76 megliuraziun generala. Center da perscrutaziun da la SPF, secziun d'allevament d'animals, sin l'Alp Crap Alv. La part da la pop. da lingua rum. è sa diminuida da 80% il 1880 a 60% il 1941 ed a 21%/42% (l. p./l. p. u disc.) il 1990.

Litt: Kdm GR 2, 379-93; G. G. CLOETTA, *Bravuogn*, 1937 (1978). *Jürg Simonett*

Breil, uffiz. B./Brigels, vischn. pol. GR, cirq. Mustér, distr. Rain anteriur. La vischn. cumpiglia il vitg principal da B., situà sin ina terrassa al nord sur la Val dal Rain anteriur, las fracz. Dardin-Capeder sut il vitg e Danis-Tavanasa giu la val. 765 *in Bregelo*, dapi 1943 *B./Brigels*. 1850 1'086 abit.; 1888 848; 1910 1'033; 1960 1'272; 1990 1'186. Il lieu ha cumenzà a sa sviluppar en il trom./tmtemp. Il 765 ha regalà l'uv. Tello da Cuira a la claustra da Mustér, sia curt cun chasa signurila a B., ensemble cun bains e subdits a Dardin, Danis, Schlans e Trun. Sin il crest da S. Eusebius sa chattan restanzas d'ina fortezza dal tmtemp. cun baselgia. Marmarola a l'ost da B. era prob. ina migurià da l'abazia, arsa giu il 1496 (oz ina ruina). A B. vivevan uschen. libers externs da Lags che eran sa cumprads il 1536 en la dretgira auta da la Cadi (ca. 200 pers.) e che avevan obtegnì il 1524 in'atgna dretgira civila. B. furmava ensemble cun Medel la terza curt en la Cadi. La pestilenza ha chaschunà il 1550 316 unfrendas, il 1556 180 ed il 1631 130. L'onn 1738 han ils abit. cumprà or las dieschmas. La baselgia parochiala da S. Maria a B. è prob. dal tmtemp. e vegn doc. il 1185 sco pro-

prietad da la claustra da Mustér. Il 1491 è ella vegnida incorp. a Mustér. Fin al 17. tsch. era S. Maria la baselgia principala da Dardin, Danis e Schlans. Sin territori comm. da B. sa chattavan tut en tut 12 baselgias e chapluttas. Il vitg da tradiziun purila tgirava sur il Pass dal Lembra in stretg contact cun la Glaruna, ed el è stà, grazia a la fam. dals Latour, in center pol. da la Cadi durant il 17.-19. tsch.. La via da B. a Vuorz, constr. il 1870, e la via chant. da Tavanasa a B., averta il 1890, servivan era al turissem da stad che aveva cumenzà a flurir a partir dal 1850 (surtut turissem da cultura). Dapi il 1945 ha la vischn. da B. ina piazza da tir per truppas da defensiun cunter aviuns, dapi il 1946 è ella in center impurtant da l'economia d'electricitat che dispona a B. e Tavanasa da lais da serra e da centralas. Cun la constr. dals runals Pez d'Artgas (1972) ha B. cumenzà a sa sviluppar ad in lieu da sport d'enviern. Il 1990 pur-scheva l'emprim sectur 15%, il segund 35% ed il terz 50% da las plazzas da la-vur. La part da la pop. rum. è restada pli u main constanta ils davos 100 onns: 1880 99%, 1941 96%, 1990 83%/89% (l. p./l. p. u disc.). Il territori da Scatèl al nordvest da B. è dapi il 1911, la Val Frisal dapi il 1999 sut proteczion da la natira.

Litt: Kdm GR 4, 342-482; Gem. GR, nr. 17; I. MÜLLER, *Geschichte der Abtei Disentis von den Anfängen bis zur Gegenwart*, 1971; *Terra Grischuna*, nr. 5 (1962), 352-56.

Adolf Collenberg

Brescia/I, chapitala da la prov. da B., center da traffic al pe sid da las Alps. A partir dal 11. tsch. republika municipala libra. En il 14. tsch. è vegnì incorporà B. en il domini milanais dals Visconti ed integrà il 1426 en il stadi municipal venezian. La citad era il lieu il pli impurtant da la Lombardia per l'explotaziun e l'elavuraziun da fier e d'armas. En il 15. tsch. èn cumprova-das emprimas relaziuns cun las Trais Lias: il 1411 planisescha Guglielmo de Tengatino da B. in'allianza cun ils Grischuns. Il 1458 cumenza B. ad exportar

fier sur la Val Camonica en Vuclina ed en il GR. Il 1486 daventa Anton Chasser da B. cunproprietari da la miniera da Buffalora al Pass dal Fuorn. Il 1497 fan ils Grischuns e Glarunais commerzi da muvel en la regiun da B.. Il 1512 s'acquistan las Trais Lias la Vuclina: Vaniescha ed il GR daventan vischins cunfinants; ils pass da B. en Vuclina survegnan dapli impurtanza: l'Aprica (1'209 m) dad Edolo a Tirano, la via da sal sur il Guspesa (1'824 m) da Corte-nedolo a Sernio ed il Mortirolo (1'896 m) da Monno a Mazzo. Quests passagis faschevan part da la ruta da transit nord-sid sur ils pass da l'Alvra e dal Bernina a Vaniescha. Il 1548 installe-scha il retg da la Frantscha in servetsch da posta da Cuira ad Aprica. En il 16. tsch. penetreschan ideas refurmatoricas a B.; scrittiras da la stamparia puschlavin Landolfi, destinadas a Vaniescha, vegnan derasadas a B.. A Capodiponte e Maderno en la Val Camonica ed a Gardone en la Val Trompia sa furman cuminanzas evang.. Persequitads da l'inquisiziun dapi il 1550 emigreschan ils ferrers dad armas da Gardone a Ti-rano ed a Cuira, il reverenda Giovanni Antonio Cortesi fugia da B. a Segl e.E. ed ils commembers da la fam. Marti-nengo da Barco/Vuclina sa retirar a Clavenna ed a Genevra. En il 17. tsch. contribuescha la provinza da B. cun sia missun da chaputschins decisivamain a la refurma cat. en il GR (1621-93). Il 1764 abroghescha Vaniescha ils privile-gis dals Grischuns: las relaziuns cun B. sa diminueschan per chalar quasi dal tuttafatg durant la Revoluziun franzosa. Litt: A. ALBERTINI, *Brixiana*, 1973; M. BUNDI, *Frühe Beziehungen zwischen Graubünden und Venedig*, 1982.

Martin Bundi

Brinzouls (tud. Brienz), vischn. pol. GR, cirq. Belfort, distr. Alvra. Vitg aglo-merà, situà sin ina terrassa al nord da l'Alvra, cun la culegna Vazarouls a la via dal Güglia. Ca. 840 *Brienzola*, 1222 *Brienzols*. 1808 111 abit.; 1860 205; 1888 146; 1941 186; 1980 95; 1990 112. En il 12. tsch. center econ. da l'uv. da

Cuira. Ina ant. tur en il vitg (ruina rempl. il 1880) appartegneva prob. als signurs da B., menz. il 1259. Fin il 1851 ha partì B. l'istoria pol. dal signuradi da Belfort. La baselgia, menz. per l'emprima giada il 840 (1519 patrocini da S. Calixt), è sa separada il 1526 da Lantsch, Surava il 1725 da B. Sper l'allevament da muvel e l'agricultura avevan B. e Lantsch entradas tras il dazi da l'Alvra. Il 1869-83 eran B. e Surava pol. unidas. 1870-73 constr. da la via dal Landwasser. 1874 incendi. A partir dals onns 1960 dischlocaziun da bains purils ordaifer il vitg. Il sectur agrar predominescha anc adina (1985: 63%). La part da la pop. rum. è sa diminuida da 99% il 1880 a 58%/73% (l. p./l. p. u disc.) il 1990.

Litt.: Kdm GR 2, 343-49; K. EGLI, *Die Landschaft Belfort im mittleren Albulatal*, 1978.

Jürg Simonett

Lorenzo a Villa di Tirano (Vuclina/I), pli tard a quella da S. Vittore a Poschiavo. Il 1271 vegn menz. per l'emprima giada la baselgia Santissima Trinità, B. è dentant daventà ina plaiv indep. pir il 1501. 1590 vischn. ref. cun in'atgna baselgia (1645). 17. tsch. expulsiun dals refurmads che faschevan il 1990 anc 9% da la pop.. La plaiv cat. da B. è sa separada il 1870 da la diocesa da Com ed è vegnida incorp. en l'uv. da Cuira. 1966 separaziun da la plaiv da Campocologno. Las OE Brusio (1906) e la viafier dal Bernina (1910) han purtà in svilup econ. considerabel; il commerzi da vin, fritga, legums e tabac ha cumenzà a flurir; ils onns 1960 èn vegnids tiers l'industria da textilias ed il traffic da cunfin (280 pendularis immigrants); tuttina è sa reduci il dumber da las personas cun activitat da gudogn da 730 il 1920 a 450 il 1980 (50% en il 3. e 35% en il 2. sectur).

Litt: R. BORNATICO/P. PIANTA, *Storia di Brusio*, 1959; R. TOGNINA, *Il Comun grande di Poschiavo e Brusio*, 1975. Fernando Iseppi

Brüsch (tal. Brusio), vischn. pol. GR, cirq. B., distr. Bernina, situada en la part sut dal Puschlav. B. cumpiglia ilsaclauns Campocologno, Zalende, Campascio, B., Piazzo e Miralago a la via dal Bernina e las culegnas Viano e Cavaione, situadas aut sur la val. 1106 *Bruse*, 1212 *Brusio*. 1803 620 abit.; 1850 1'000; 1900 1'199; 1950 1'528; 1990 1'220. La confraternitad da S. Romerio (antr. S. Remigio), domiciliada sur B. e menz. l'emprima giada il 1055, ha influenzà fermamain la colonisaziun e l'urbanisaziun a B.. Gia il 1212 è daventà B. ina vischn. autonoma cun in decan che preschentava ils interess da la vischn.. En il 13. tsch. è passà l'entir Puschlav sco feud a l'uv. da Cuira. En il decurs dal 14. tsch. è daventà B. ina part da la vischn. da Poschiavo che s'administrava p.g.p. autonomamain. Durant la conquista da la Vuclina tras il GR èn vegnids incorp. ilsaclauns Campocologno (1518) e Zalende (1626). Il 1610 ha empruvà B. da sa separar da Poschiavo, quai è dentant gartegià definitivamain pir il 1851. Il 1863 èn vegnids attribuids a B. la val laterala Saitento (fin qua tal.) e l'aclaun Cavaione. Eccles. appartegneva B. a la plaiv da S.

Bulsaun (tal. Bolzano, tud Bozen), chapatala da la prov. da B. en l'Italia dal nord, Val da l'Adisch, a la cruschada da pass alpins impurtants. En il trom. sa chattava B. al cunfin meridiunal da la prov. Rezia. En il tm. regeva qua in viv barat da martganza e da cultura tr. la regiun da l'Adria/Vaniescha ed il Tirol dal nord (sur il Brenner) resp. il GR (sur il Vnuost/Fuorn). En il tmtard. era B. temporarmain residenza da ducas austr. che han contractà qua tr.a. era cun ils signurs da Ramosch conc. il chastè da Ramosch (1365), cun Egolf von Ems conc. la summa da pegr per Weesen e Glaruna (1370) e cun il cont Friedrich VII. dal Toggenburg conc. l'amortisaziun dals daivets austr. (1403). Il famus martgà da B. ha attratg en il tmtard. tant visitaders da la regiun da Vaniescha sco dal GR. En il tmod. èn idas a perder questas relaziuns. Il 1880 ha preschentà Andreas Rudolf von Planta in project per ina viafier Cuira-B.-Triest sco part centrala d'ina lingia da viafier Paris-Constantinopel, cun

l'intent da reactivar las veglias relaziuns commerz. e culturalas; la chombra da commerzi da Bulsaun aveva sustegnì il project, ma l'idea n'ha betg pudì sa far valair cunter la viafier da l'Arlberg.

A: R. THOMMEN, *Urkunden zur Schweizer Geschichte aus österreichischen Archiven*, t. 1 (1899).

Litt: PIETH, *Bündnergeschichte*, 469; W. SCHNEIDER, *Der Engadiner Schmalz- und Käsehandel in Bozen 1500 bis 1650*, en: BM, nr. 5 (1998), 299-333. Martin Bundi

Buond (tal. Bondo), vischn. pol. GR, cirq. Bergiaglia, distr. Malögia, situada sin ina terrassa al sid da la Maira cun Promontogno e Castelmur/Porta, las cullegnas bandunadas Casnac e Bondea ed aclas sin las spundas al sid da la vischn. ed en la Val Bondasca. 1380 *Bondo*. 1803 235 abit.; 1900 304; 1960 254; 1990 161. En il tcarol. ha fatg part B. dal ministeri curretic *Bergallia*, a partir dal 960 da l'uv. da Cuira. En il tmaut vischinadi *di là dell'acqua* da la vischn. giudiz. Sottoporta, a partir dal 1367 part da la Lia da la Chadè. La baselgia da S. Maria a Castelmur (baselgia da la vallada) dal tmtemp. è doc. il 988, quella da S. Martin (stil roman) a B. è vegnida consecrada il 1250. 1552 refurmazion. Dapi il tmtard. allevament da muvel cun in sistem d'utilisaziun a quatter stgalims: vischn., uigl champester, acla, alp. 1429 acquist dad alps al Pass dal Bernina, fin oz en possess da B. L'agricultura, la vendita da chastognas e la vituraria garantivan in gudogn supplementar. A partir dal 16. tsch. emigraziuns en Italia, pli tard en l'Europa da l'ost (pastiziers, mercenaris), en il 20. tsch. en il GR dal nord ed en l'ulteriura Svizra. Il 1621, durant ils Scumbigls grischuns, è B. vegnì intschendrà dals Spagnols (248 edifizis) e reconstruì en furma da vischn. a mantun, orientada vers la via. Ils edifizis profans ils pli impurtants èn il Palazzo Scartazzini (1690), il Palazzo Cortini sin la Piazza (1763, oz Scartazzini) ed il Palazzo Salis (1765-74). Tranter B. e Promontogno sa chatta ina gruppa da tschalers da vin *Crot*. Dapi la fin dal 19. tsch. exista in

turissem da stad mudest. Daspera vegn elavurà ed exportà laina, oravant tut en l'Italia. La structura economica n'è betg sa midada fermamain dapi il 1960.
Litt: Kdm GR 5, 398-412; *Siedlungsinventar B.*, ms., 1976.

Diego Giovanoli

Buorm (tal. Bormio, tud. Worms), vischn. tal. en la prov. da Sunder cun aclauns ed alps extendidas. Center da traffic cun il Gavia vers la prov. da Brescia, l'Umbrail vers la Val Müstair, il Stielva vers il Tirol dal sid ed il Fosca vers il Livign. En il tm. cumpigliava B. era las vischn. da Valfurva, Valdidentro e Livign (oz autonomas). Ils bogns da B. (*aquae Burmia*) eran conuschents gia en il trom. (Plinius sen.) ed en il temp ostrog. (Cassiodor, 535). 10.-13. tsch. cumbats per l'autonomia comm. cunter revendicaziuns feudalas davart dals uv. da Com e da Cuira, representants dals pussants chastellans da Matsch. Incorporada en il domini da Com, obtegna la citadina da B. il 1377 privilegis impurtants, fixads en la *magna charta della libertà bormiensi* ed affirmads p.g.p. dals Sforzas il 1450. 14.-15. tsch. temp da fluriziun per la communitad, grazia a la posiziun strategica impurtanta dal lieu ed a l'exclusividat dals privilegis. Enturn il 1400 aveva B. 32 turs e 5'000 abit. ed era in lieu da deposit impurtant a la via da commerzi tr. Vaniescha e la Germania. - Il 1487 èn invas ils Grischuns a B., grazia ad ina contribuziun d'incendi nun è la citad dentant vegnida messa en tschendra. B. ha però pers il monopol en il traffic da transit. Milaun ha concedì a las Trais Lias ils medems privilegis da dazi sco a B.. La pestilenza e campagnas milit. han ultra da quai pegiurà la situaziun econ.. Il 1512 è vegnida incorp. la citad da B. en furma da protectorat en il domini da las Trais Lias. Il podestat grischun a B. n'aveva, cun excepziun da la licenza d'armas e dals monopolis fiscales, nagins dretgs admin., ma sulet-tamain cumpetenzas giur.; el era il pres. da duas dretgiras da contadi che sa basavan sin ils statuts da B.. La Casa Pedranzini a B. posseda anc picturas da

vopnas da las Trais Lias. Las sedutas publicas da la dretgira vegnivan tegnidas sin il *Cuerc*, ina plazza cuverta dal 12. tsch.. En il 16. tsch. ha già B. in'ulteriura fluriziun econ.. I regeva in traffic immens sin la *Via Imperiale o d'Alemania* che traversava la citad da B.. Las minieras, la producziun da pon, il commerzi cun vin Vuclina e sal dal Tirol e las grassas pastgiras alpinas han fatg da B. ina da las regiuns las pli bainstantas da las Alps. La *Valle di Fraéle* cun sias minieras explotadas dapi il 12. tsch. era en il 16. tsch. ina vallada alpina fitg populada cun schmelzras, cularias, in albriet, la baselgia da S. Giacomo (sepulida d'in lai da serra), ina via da sauma (Torre di Fraéle, Passo delle Scale) ed ina duana. La plipart dals visitaders dal GR e dals stadis vischins vegnivan a B. pervi da ses bogns chauds. Il 1558 è sa constituida qua ina pitschna pravenda evang., ed a la fin dal 16. tsch. han ins constr. ina baselgia ref.. La plipart dals protestants avevan pudì mitschar da l'uschen. Veltlinermord dal 1620; div. fam. eran emigradas en Val Müstair. La guerra da trent'onns aveva purtà devastaziun e suffrientscha: il 1620/21 avevan occupà armadas spagnolas ed imperialas e truppas grischunas la citad da B., ed il 1635 aveva provocà il duca da Rohan ina guerra sanguinusa en las muntognas vuclinais. B. aveva pers qua tras sia impurtanza econ.. Il 1797 aveva giavischà la citad da restar tar il GR, l'indecisiun dal suveran grischun aveva dentant manà a la perdita da B. ed a sia annexiun a la Republica cisalpina. – Il 1859 ha cumpra il cuss. naz. Andreas Rudolf von Planta ils *Bagni nuovi* da B., constr. il 1834/35, ch'el ha lura engrondì e renovà; el è s'engaschà per in schlariament da la via da l'Umbrail (1867), ha procurà per servetschs postals privats sur il Stielva e da B. a Tiraun ed ha cuntanschì il 1869 l'avertura da curs postals fed. da Lecco sur Còlico a B. (suspendids il 1873/76 per motivs da deficit); ils bogns èn ids pli tard en possess d'ina SA tal..
Litt: H. BALZER , *Kulturgeschichte aus den ehemaligen bündnerischen Untertanenlan-*

den, en: BM, 1938, 198–221; B. CREDARO, *Storia di Bormio*, 1966. *Martin Bundi*

Burvagn, fracz. da la vischn. da Cunter, GR, situada a la via dal Güglia a l'entraida dal Surses. 1375 *Prauwein*, 1452 *Bruweyn*. Tschintg chasas, fin ca. 1950 culegna purila cun ustaria, 1990 be pli abitaziuns da vacanzas, 2 abit. (administraturs). Il 1786 vegn a la glisch en in èr a B. in grond stgazi d'aur ed argient dal trom.: bratschlets, fiblas, stgatlas da parfum, munaidas rom. e gall.. Il viturin Dosch, che ha chattà il stgazi, venda quel ad in aurer a Clavenna; insaquants tocs sa chattan en il Museum retic a Cuira ed en il Museum naziunal a Turritg. Il 1583 è doc. la chaplutta da S. Valentín, reconstr. il 1662 en stil baroc tras chaputschins. La villa Travers renviescha a la relaziun da parentella da questa fam. engiadinaisa cun il Surses en il 17. tsch.. A Vaznoz a B. han ins chattà il 1830 restanzas da la furtga, utilisada da la dretgira criminala dal Surses, e fastizs d'ina chaltschinera.
Litt: Kdm GR 3, 238, 246. *Gion Peder Thöni*

Buseno, vischn. pol. GR, cirq. Calanca, distr. Moesa. Fin il 1851 part da la vischn. da Calanca, dapi là vischn. autonoma. 1611 575 abit.; 1803 344; 1850 248; 1900 198; 1950 241; 1990 97. Il center, che dat al vitg il num, sa chatta sin ina terrassa sin la spunda dretga da la Calancasca. A Molina, sut il vitg, è in lajet artifizial. B. cumpiglia era las fracz. da S. Carlo e Giova che appartegneva antruras a S. Vittore ed è vegnì attribuì a B. tras votaziun chant. il 1899. La baselgia paroch. dals SS. Pieder ed Antoni avat, consecrada il 1438, è vegnida amplifitgada il 1776 e rest. il 1990. A Giova sa chatta la baselgia moderna da Nossadunna da Fatima, constr. il 1984–88. L'agricultura e l'allevament da muvel èn anc adina las activitads princ. a B. Pli baud gronda emigraziun da vairders en Frantscha e da vendiders da rascha en Austria ed en Germania.
Litt: Kdm GR, 6, 245–52; C. SANTI, en: Voce delle Valli, 7–6–1990 e 6–7–1990.

Cesare Santi

